



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը


You are free to:

**Share** — copy and redistribute the material in any medium or format

**Adapt** — remix, transform, and build upon the material

~~83~~  
~~24~~

Lwy<sup>v</sup>  
346



417

120

120  
7253



# ԽՕՍՈՂ, ԿԱՂՆԻ

ԺՕՐԺ-ՄԱՆԻ ԱՌԱԿՆԵՐԻՑ

Թարգմանեց

Ա.Ղ. ՏԷՐ-ՄԿՐՏՉԵԱՆՑ

Երկու պատկերով

ԹԻՖԼԻՉ

Ի տպարանի Համբարձումայ Էնֆիանհանց եւ Ընկեր.

1877

1537

Հայ  
346

24  
12000

*A 206*



ԽՕՍՈՂ ԿԱՆՈՒՄ



ԺՕՐԺ-ՍԱՆՆԻ

Թարգմանեց

Ա.Ղ. ՏԵՐ-ՄԿՐՏՉԵԱՆՑ

Երկու պատկերով

ԹԻՖԼԻՉ

Ի տպարանի Համբարձումայ Էնֆիանեանց եւ Ընկեր.

1877

1810  
9-40834

11  
11  
11

Հիշատակարան  
Հայր սպարապետ

01059 0200



«Սիրտս ուզում էր պատուի, որ էս երեխեքանց ձեռքն  
«էլ՝ ինչ Հայի գիրք տալիս էի, չին հասկանում: Ռուսի, Նեմեցի,  
«Ֆրանցուզի լեզվումը ինչ բան որ կարդում էին, նրանց ան-  
«ամեղ հոգուն էլ էին էնպէս բաները դիր գալիս...»  
(Վէրք Հայաստանի երես 5):

Այս տողերը ասած են մեզանից դեռ մի կէս դար առաջ  
ապրող Հայերի համար: Բայց ո՞վ արդեօք չի վկայի, որ նոյնը  
կրկնվում է և այսօր: Ահա այդ տողերն էին, որ իմ մէջ զար-  
թեցրին այս միտքը և ես առաջին անգամ թարգմանեցի Ժորժ—  
Սանի խօսող կաղնի անունով փոքրիկ վէպը իբրև երախայրիկ  
իմ աշակերտական տարիների, յուսալով որ դուք, իմ ազնիւ ըն-  
թերցողներ, սիրով կը կարդաք ձեր մայրենի լեզուով գրածն էլ:

Дозволено Цензурою. Тифлисъ. 26 Апрелья 1877 г.

Թ ա ր գ մ ա ն ի չ :

29-345



346-2003

... արհեստագործական արտադրանքները ...  
... արհեստագործական արտադրանքները ...  
... արհեստագործական արտադրանքները ...

**Ս**երնաս անտառի մէջ կար 500 տարե-  
կան մի հաստ և ծեր կաղնի: Կայծակը շատ  
անգամ խփել էր նորան, կոտրատել էր գը-  
լուխը, այնպէս որ կարծես կտրած լինէր  
և ծածկուած էր կանաչ խոտով: Երկար ժա-  
մանակ այս կաղնու վերայ լաւ չէին խօսում:  
Մօտիկ գիւղի ծերերը և պառուները պատ-  
մում էին՝ թէ իրանց մանկութեան ժամա-  
նակ այս կաղնին խօսում ու վախեցնում էր  
նրանց, ովքեր ուզում էին ամառ ժամանակ  
հանգստանալ նորա ստուերի տակ: Նրանք  
պատմում էին, որպէս թէ կայծակը երկու  
ճանապարհորդի խփել էր նրա տակ, որոնցից  
մէկը մեռել էր տեղն ու տեղը, իսկ միւսը  
ուշաթափուած՝ հազիւ կարողացել էր փախ-  
չել և մի ձայն նորան զգուշացրել էր ասե-

... արհեստագործական արտադրանքները ...  
... արհեստագործական արտադրանքները ...  
... արհեստագործական արտադրանքները ...

... արհեստագործական արտադրանքները ...  
... արհեստագործական արտադրանքները ...  
... արհեստագործական արտադրանքները ...

լով. ,,Հեռացիր շուտով այստեղից“:

**Այս մի այնպիսի հին պատմութիւն էր, որ ոչ ոք այլ ևս չէր հաւատում: Թէպէտ դեռ ևս նորան ասում էին խօսող կաղնի, այնու ամենայնիւ հովիւները առանց վախենալու մօտենում էին:**

**Նորա կախարդութեան հաւատացին աւելի այն ժամանակ, երբ պաաահից Էմմի անցքը:**

**Էմմին մի փոքրիկ, որբ և անբաղդ խոզարած էր: Անբաղդ էր ոչ թէ նորա համար, որ վատ էր մեծացած, վատ հազնուած և աղքատ խրճի տէր, այլ գլխաւորապէս նորա համար, որ համբերութիւն չունէր վազվզել կենդանիների ետեւից: Նա վախենում էր խոզերից. նրանք էլ այդ լաւ էին հասկանում. դու այդպէս մի՛ տես նրանց, շատ խորամանկ են նրանք:**

**Նա առաւօտը վաղ գնում էր նրանց հետ անտառը, ուր կային շատ կաղիններ և երեկոյեան կրկին յետ էր բերում ագարակը:**

**Մարդու լացն էր գալիս՝ երբ նայում էր**

**նորան-չորերը պատռտած, գլուխը բաց, մազերը քամուց դղգղած, նիհար և տխուր դէմքը ահից դողդողում էր, երբ քշում էր այս անզգամ կենդանիներին, որոնք գլխները կախարած նեղանում ու ճղճղում էին: Նա առաւօտեան վաղ-վաղ վազում էր այս կենդանիների ետեւից թփերի մէջ և հազար ու մէկ նեղութիւններ էր քաշում:**

**Այս աղքատ, փոքրիկ խոզարածը կը լինէր մի խելօք տղայ, եթէ նորա վերայ հոգային այնպէս, ինչպէս ձեզ վերայ, ի՛մ սիրելի ընթերցողներ: Նա կարգալ չցիտէր. ոչինչ չէր հասկանում. հազիւ խնդրում էր իրան ամենահարկաւոր բաները, բայց որովհետեւ շատ վախկոտ էր, շատ անգամ և այդ էլ չէր համարձակվում խնդրել: Նորա բանը աւելի վատ էր լինում այն ժամանակ, երբ մոռանում էին նորան:**

**Մի երեկոյ խոզերը միայնակ յետ դարձան տուն. իսկ փոքրիկ խոզարածը չերեաց: Ոչ ոք ուշադրութիւն չդարձրեց դորա վերայ և հազիւ ընթրիքից յետոյ նկատեցին,**



որ նա չկայ: **Վ**ալուածատիրոջ կինն ուղարկեց մշակներից մէկին **Է**մմին կանչելու, բայց մշակը վերադարձաւ և յայտնեց, որ **Է**մմին ոչ գոմումն է և ոչ սրահումը, որտեղ նա սովորաբար քնում էր խոտի վերայ: **Ա**յնպէս կարծեցին՝ թէ նա գնացել է հօրաքրոջ մօտ, որ իրանց հարևանն էր և հանգիստ քնեցին առանց երկար մտածելու նորա վերայ:

**Մ**իևս օր առաւօտը գնացին նորա հօրաքրոջ մօտ և զարմացան, երբ իմացան՝ թէ **Է**մմին գիշերը այնտեղ չէր եղել:

**Ե**րեկ առաւօտուանից նորան այլ ևս ոչ ոք չէր տեսել գիւղում: **Շ**րջակայ տեղերում շատերից հարցրին, բայց ոչ ոք չէր տեսել նորան անտառում: **Վ**երջը մտածեցին՝ թէ անպատճառ գայլերը և վարազները կերած կը լինին նորան:

**Ո**չ մի տեղ չգտան ոչ նորա մտրակը, ոչ մտրակի կարճ կոթը, ինչպիսին սովորաբար գործ են դնում խոզարածները և ոչ մի կտոր նորա շորերից: **Ս**որանից հասկա-

ցան՝ թէ նա թողել է այդ երկիրը և գնացել է թափառելու:

**Վ**ալուածատէրը յայտնեց, որ պէտք չէ ափսոսալ նորա համար, որովհետև ոչ մի բանի պէտք չէր, չէր սիրում կենդանիներին և չէր էլ կարողանում նրանց իրա գլուխը սիրել տալ:

**Ո**րիշ հովիւ գտան, բայց **Է**մմի անյայտանալը վախ ձգեց այդ կողմի տղաների սիրտը: **Վ**երջին անգամ նորան տեսել էին գնալիս խօսող կաղնու մօտ և անպատճառ այնտեղ պատահած կը լինէր նրան այդ անբաղդութիւնը:

**Ն**որ խոզարածը երբէք իւր երամակը (խոզերը) չէր տանում այնտեղ և երեխաները էլ վախենում էին այնտեղից:

**Դ**ուք կուզէք իմանալ թէ ինչ եղաւ **Է**մմին:


**Ս**պասեցէք, իսկոյն ես կը պատմեմ ձեզ, իմ սիրելի ընթերցողներ: **Վ**երջին անգամ երբ անտառումն էր **Է**մմին՝ մեծ կաղնուց մի փոքր հեռու՝ նկատեց մի քանի ծաղկած

լօբու բոյսեր, որի պտուղները ընկուզի մե-  
ծութեամբ էին՝ փոքր ինչ կծու բայց շաքա-  
րազամ: Խեղճ երեխաները շատ են սիրում  
այդ բոյսը: Սորա պտուղները ոչնչի պէտք  
չեն, սրանց միայն խոզերն են ուտում:

Հին ժամանակներում անապատում բնա-  
կուտղները, ինչպէս ասում են, կերակրվում էին  
սրանց արմատներով:

Ինչպէս երևում է այս բոյսի գլուխ-  
ները դրանց աղքատ խոհանոցում հազուա-  
գիւտ կերակուր էր:

Էմմին շատ լաւ դիտէր, որ այդ գլուխ-  
ները դեռ ևս չէր կարելի ուտել, որով-  
հետև աշունքը նոր էր սկսել, բայց միայն  
ցանկանում էր նշանակել տեղն՝ որ յետոյ  
գայ և դուրս տայ արմատները, երբ ցողուն-  
ները և ծաղիկները կը չորանան: Այդ ժա-  
մանակ նորա ետևից գնաց խոզը, սկսեց քան-  
դել գետինը և փշացնել լոբու արմատները:  
Իսկ Էմմին նեղանալով շատակեր կենդանու  
վրայ՝ իւր մտրակով խփեց որքան ձեռումն  
ոյժ ունէր:



Խողը յուսահատած ճղճղաց: Այս կենդանիները առհասարակ սովորութիւն ունին միմիանց պաշտպանելու և երբ իրանցից մէկը ճղճղում է, իսկոյն հասկանում են. յարձակուում են թշնամու վերայ, ազատում են իրանց ընկերոջ, և վրէժխնդիր լինում: Էմմիի վերայ նրանք վաղուց էին նեղացել, որովհետև նա չէր սիրում նրանց: Նրանք բուրն էլ ճղճղալով վազեցին, շրջապատեցին խեղճին և կամենում էին պատուտել: Խեղճ երեխան փախաւ, խողերն էլ նրան հետևեցին: Չնայելով որ սոքա դանդաղաչարժ են երեւում, այնուամենայնիւ բաւականին արագաչարժ են: Հագիւ թէ հասաւ հին կաղնուն, բարձրացաւ նորա վերայ և թաքկացաւ տերեւների մէջ, երբ այդ կատարած երամակը շրջապատեց ծառը՝ ճղճղալով և սկսեցին փորել արմատները: Եւ նորձձ մ նորոշյաճ ին

Բայց խօսող կաղնու արմատները չատհաստ էին և երամակը ոչինչ չ'կարողացաւ անել: Այսպէս նրանք ի զուրպայխատեցին և մինչև արեգակի մայր մտնելը: Այն ժամանակ

նակ վճռեցին յետ դառնալ և փոքրիկ Էմմին հաւատացած էր, որ եթէ ինքը գնայ նոցա հետ, անպատճառ իրան կը պատուտեն, այդ պատճառով վճռեց այլ ևս երբէք չվերադառնալ ազարակը:

Նա լաւ գիտէր, որ այս կաղնին յայտնի էր իբրև կախարդուած ծառ, բայց խողերը նրան այնքան նեղացրել էին, որ նա այլ ևս սատանաներից էլ չէր վախենում, ուր մնաց նրանից. բայց շատ անգամ սովը և հիւանդութիւնը նեղացնում էին նրան: Հօրաբոյրը նրա հետ շատ խստութեամբ էր վարվում. նա ստիպում էր նորան խողերն արածացնել, որոնցից նա սաստիկ վախենում էր: Այս աչքը բնական էր նրա համար և նա ձգեց նրան յանցանքի մէջ: Ամեն անգամ, երբ խնդրում էր հօրաբրոջ, որ իրան տուն թողնէ, հայհոյում և ծեծում էր:

Նա շատ էր վախենում նրանից. շատ ուրախ կը լինէր արածացնել ոչխարներ մի ուրիշ կալուածում, որտեղի մարդիկը բարի լինէին և իրա հետ սիրով վարուէին:

Սկզբում, երբ խողերը հեռացան, նա շատ բաւական էր, որովհետև ազատուեցաւ նրանց կատաղի և ահալի ձայներից. նա վրձուեց գիշերը անցկացնել ծառի վերայ:

Նորա պարկի մէջ դեռ ևս մնացել էր մի կտոր հաց, որովհետև երբ խողերը նորա վերայ յարձակուեցան, նա ամեն բան մոռացաւ, մինչև անգամ հաց ուտելն էլ: Նա կերաւ իւր պաշարի կէսը, իսկ միւս կէսը պահեց նախաճաշի համար և իրան յանձնեց Աստուծոյ կամքին:

Ամեն տեղ երեխաները քնած են հանգիստ, բայց Էմմին շատ վատ քնեց. նա տկար էր. շուտ շուտ ջերմում էր. դելն էր տալիս, և թէև մի փոքր աչքը կպցրեց, միայն չկարողացաւ դորանով ևս ազատուել ցաւից:

Նա լաւ տեղաւորեց երկու ամուր և մամուռապատ ճիւղերի վերայ. կամենում էր քնել, բայց քամին շարժում էր տերևները և ճիւղերի ճռճոցից վախենում: Նա սկսեց չար ոգիների (դևերի) վրայ մտածել և

այս մտքերը այնպէս սաստիկ ներգործեցին նորա վերայ, որ կարծես թէ լսում էր մի բարակ ձայն, որ ասում էր. „Հեռացի՛ր, հեռացի՛ր այստեղից“:

Այս ձայնը մի քանի անգամ կրկնուեց: Առաջ Էմմին բոլորովին չը կամեցաւ պատասխանել. նա դողդողում էր, բերանը չորանում, բայց երբ քամին հանդարտուեց՝ կաղնու ձայնն էլ մեղմացաւ և կարծես թէ նորա ականջում փսփսաց մայրական ձայնով. „Հեռացի՛ր, Էմմի, հեռացի՛ր“: Այն ժամանակ նա հաւաքեց իւր բոլոր ոյժը և պատասխանեց կաղնուն. „Մի՛ դուրս անիւ ինձ, իմ ազնիւ կաղնի, եթէ ես ցած իջնեմ այս տեղից, ինձ կուտեն գայլերը, որոնք այստեղ ման են գալիս գիշերով“: „Հեռացի՛ր, Էմմի, հեռացի՛ր“, աւելի մեղմ կրկնեց ձայնը: „Իմ ազնիւ կաղնի“ ասաց Էմմին աղաչելով, „մի՛ ուղարկիր ինձ գայլերի մօտ, դու ազատեցիր ինձ խոզերից, դու բարի էիր մինչև հիմայ, այժմն էլ բարի եղի՛ր: Ես մի խեղճ և անբաղդ տղայ եմ, ես չեմ ցանց

կանում և չեմ էլ կարող քեզ վատութիւն անել. թո՛յլ տուր ինձ մնալ այս գիշեր քեզ վերայ, իսկ վաղը, եթէ կը հրամայես ինձ, ես կը գնամ“: Այս ձայնը այլ ևս չկրկնուեց և լուսինը բարձրանալով երկնքի վերայ՝ լուսաւորեց տերեւները: Էմմին այնպէս կարծեց՝ թէ իրան թոյլ տուեց մնալ կամ թէ չէ՝ նա երազում լսեց այս բոլոր խօսքերը: Նա քնեց:

Չարմանալի՛ բան, ոչ մի երազ չտեսաւ և հանգիստ քնեց մինչև առաւօտ: Այն ժամանակ ցած իջաւ ծառից և թափ տուեց ցօղոտած հին շորերը: Թէ այսպէս և թէ այնպէս ես պէտք է յետ դառնամ գիւղը, ասաց նա ինքն իրան. հօրաբրոջս կասեմ, որ խոզերը ուզում էին ինձ ուտել և ես ստիպուած էի գիշերը անցկացնել ծառի վերայ և նա թոյլ կը տայ ինձ մի ուրիշ գործ գտնել:

Նա կերաւ իւր հացը և ճանապարհ ընկաւ դէպի գիւղ. կամեցաւ շնորհակալութիւն անել կաղնուն, որ պահպանել էր իրան ճիւղերի մէջ մի օր ու գիշեր: „Շնորհակալ եմ

քեզանից, իմ ազնիւ կազնի, մնաս բարւե՛, ասաց նա համբուրելով նրա կեղևը, «ես այլ ևս չեմ վախենալ քեզանից. ես էլի մի օր կը գամ քեզ մօտ շնորհակալութիւն անելու»։ Նա անցաւ սպիտակ ծաղիկների միջով և ճանապարհ ընկաւ դէպի իւր հօրաբրոջ խրո-ճիթը, երբ լսեց ագարակի ցանգից մի ձայն։

„Այսուամենայնիւ“, ասաց մշակներից մի երեխայ, մեր խողարածը չվերադարձաւ, նորան չեն գտել իւր հօրաբրոջ մօտ և նա թողել է իւր երամակը։ **Այդ** անպիտանին ես մի լաւ կը պատժեմ նորա համար, որ ստիպում է ինձ այսօր իրա փոխանակ գնալ խողերի ետևից՝։

„Ի՛նչ մի նեղութիւն է քեզ՝ որ տանես խողերը արածացնելու“, ասաց մի ուրիշ եխայ։

„Իմ հասակի տղերանց այդ մեծ ամօթ է“, պատասխանեց առաջինը, „այդ միայն կարելի է տասը տարեկան երեխաներին, ինչպէս **Էմմին** էր, բայց ես որ տասներկու տարեկան եմ, իրաւունք ունիմ արածացնել կո-

վեր կամ թէ չէ՝ գոնեայ հորթեր”։

**Այս** խօսակցութիւնն ընդհատուեց։

„Շո՛ւտ արէք ձեր գործին գնացէք“, ձայն տուեց նրանց հայրը։ „Իսկ այն անպիտան խողարածին հենց տեղն է, որ գայլերը կերել են, եթէ ձեռքս ընկնի, ես նրան սողսող կը սպանեմ։ Թո՛ղ այն ժամանակ նա գնայ և իւր հօրաբրոջ գանգատուի. ես գիտեմ նա նորան խողերի հետ զորքնացնէ, որպէս զի սովորի սերել խողերին և չզգուել նրանցից”։

**Էմմին**, երբ լսեց այն խօսքերը, վախեցաւ և թաքկացաւ։

Նա մտաւ ցորենի բարդի (տասնեակ, փենջայ) մէջ և այնտեղ անցկացրեց ամբողջ օրը։ Երեկոյեան մի այծ, որ վերադառնում էր տուն, կանգնեց այնտեղ փոքր ինչ խոտ ուտելու և թոյլ տուեց **Էմմին** իրան կլթելու։ **Երբ** լցրեց իւր փայտէ ամանը և խմեց կաթը, նա աւելի ևս խորը մտաւ խրճերի մէջ և այնտեղ մնաց մինչև դիշեր։ **Երբ** մթնեց և ամենքը պառկեցին քնելու, կամաց մտաւ բա-



կը և վեր առաւ իրա բաները և մի քանի  
 ռուբլի էլ իւր աշխատած փողից, որ ստա-  
 ցել էր իւր կալուածատիրոջ կնկանից մի քա-  
 նի օր առաջ: Հօրաքոյրը չգիտէր, եթէ ոչ  
 կը վերառնէր: Նա վեր առաւ իրա հետ նը-  
 մանապէս այծի և ոչխարի մորթիներ ձմե-  
 ռուսց համար, նոր դանակ, փոքրիկ կաւէ  
 աման և մի ձեռք հագուստ: Այս բոլորը  
 դարսեց պարկի մէջ, բարձրացաւ ցանկից, և  
 կամենում էր հեռանալ ծածուկ: Բայց երբ  
 անց էր կենում խոզերի գոմի մօտից, այս  
 անպիտան կենդանիները ճանաչեցին իրանց  
 առաջուայ հովուին և սկսեցին ճղճալ:

Այն ժամանակ Էմիլին վախեցաւ, որ  
 չլինի թէ ագարակում մի մարդ զարթնէ այդ  
 ճղճողից և հետեւէ իրան, այդ պատճառով  
 սկսեց վազել և կանգնեց միայն խօսող կաղ-  
 նու մօտ: „Ահա՛ ես կրկին վերադարձայ,  
 ի՛մ ազնիւ բարեկամ“, ասաց նա: „Թո՛ղ  
 տուր մի գիշեր ևս քնել քո ճիւղերի մէջ.  
 ասա՛, թո՛ղ ես տալի՛: Կաղնին չպատաս-  
 խանեց: Եղանակը շատ հանդարտ էր և ոչ

մի տերև չէր շարժվում: Էմիլին մտածեց՝ թէ  
 լռութիւնը համաձայնութեան նշան է: Այն  
 ժամանակ իւր բեռնով բարձրացաւ մինչև  
 այն տեղը, ուր քնել էր անցեալ գիշեր: Այս-  
 տեղ նա շատ քաղցր քնեց:

Երբ լուսացաւ, Էմիլին մտածեց գտնել  
 մի յարմար տեղ, ուր կարողանար թագցնել  
 իւր փողերը և իւր մնացած բաները, բայց  
 որովհետև նա դեռ ևս ոչ մի բան չէր մտա-  
 ծել՝ թէ ի՞նչ կերպով կարողանար ծածուկ  
 հեռանալ, որ ոչ ոք չիմանայ և կրկին ան-  
 գամ չվերադարձնի իրան ագարակը: Նա  
 բարձրացաւ ծառը և նորա գլխին գտաւ սև  
 փոսեր, որ ծակել էր կայծակը և ինչպէս ե-  
 րևում էր, այդ շատ ժամանակուայ էր, ո-  
 րովհետև փոսերի չորս կողմն արդէն հաստ  
 կեղևով ծածկուել էր:

Այս փոսի յատակում կար մոխիր և  
 մանր փայտի կտորներ, որոնք պոկուել էին  
 ծառից:

„Ահա՛ փափուկ և տաք անկողին“, մը-  
 տածեց երեխան, այստեղ ես լաւ կը քնեմ և

այստեղից էլ շեմ վեր ընկնիլ ներքև: Նա թէև շատ մեծ չէ, բայց բաւական է ինձ համար: Այսուամենայնիւ հարկաւոր է նայել՝ թէ չի՞ բնակվում արդեօք այստեղ մի որ և իցէ գազանս՝:

Նա մտիկ տուեց ծառի փշակի ամեն կողմերը և նկատեց, որ վերևից ճաքել է և այստեղից անձրևի ժամանակ կարող է կաթել և կամեցաւ այդ ճաքը մամուռով ծածկել: Բուն այստեղ էր շինել իւր բոյնը: «Ես քեզ չեմ քանդի», ասաց Էմմինն, «բայց կը կրտրեմ իմ բարեկամութիւնը քեզանից, ուրեմն ամեն մարդ իւր համար իրա տան մէջ կը լինի»:

Երբ նա պատրաստեց իւր համար քնելու տեղ միւս գիշերուայ համար և իւր բաները տեղաւորեց, մտաւ իւր տունը և ոտները կախարեց մօտիկ ճիւղի վերայից:

Նա շփոթուեց և մտածում էր՝ թէ ինչպէս պէտք է ապրի ծառի մէջ: Յանկանում էր՝ որ այս ծառը լինէր անտառի մէջ տեղում և ոչ թէ ափում՝ հովիւների և խո-

զարածների աչքի առաջ, որոնք բերում էին այդ տեղ իւրեանց երամակներն և հօտերը: Նա չէր իմանում դեռ ևս, որ այս ծառից, իրա անյայտանալուց յետոյ, ամենքն էլ վախենում էին և ո՛չ ոք չէր համարձակվում մօտենալ նրան:

Այսու ամենայնիւ քաղցածութիւնը նրան ստիպեց և թէպէտ այնքան մեծ ախորժակ չունէր, բայց զգաց՝ որ այս մի օրէ ինչ՝ ո՛չ մի սննդարար բան չի կերել: Նա մտածում էր ինքն իրան. «Չգնամ արդեօք մօտիկ տեղի գետնախնձորը հանեմ, կամ թէ չգնամ արդեօք շագանակի ծառերի մօտ, որոնք անտառի մէջ տեղումն էին»:

Հենց նա ուզում էր ցած իջնել ծառից, նկատեց որ այն ճիւղը, որի վրայ դրել էր իւր ոտները, կաղնուներ չէր: Այս հարևան ծառը փաթաթել է խօսող կաղնու ճիւղերի հետ իւր ամուր և գեղեցիկ ճիւղերը: Էմմին հեշտութեամբ այս ճիւղերից անցկացաւ միւս մօտիկ կաղնու վերայ, որտեղից կարողացաւ հեշտ կերպով տուաջ գնալ:



**Ա**րադաշարժ և թեթև երեխան, ինչպէս մէկ սկիւռ, անցկացաւ մի ծառից միւսը, հասաւ մինչև շագանակի ծառը և քաղեց այնքան, ինչքան ինքը կամենում էր: Նրանք դեռ ևս փոքր էին և չէին հասած, բայց նա դորա վրայ չէր մտածում: Յած իջաւ ծառից և ուզում էր եփել մի ծածուկ տեղում՝ փոսի մէջ, որտեղ ածխագործները վառարաններ էին շինել: Փոսի չորս կողմում բուսած էին թփեր, իսկ նրա մէջ երևում էր այրուած ծառի մի մասը:

**Շուտով** էմին իւր դանակով մաքրեց այդ վառարանը, կրակ արեց կայծաքարով (չախմախ քար) և այսպիսով վառեց չորացած տերևները: **Այստեղ** նա կամեցաւ ժողովել իւր համար կերակուր, որովհետև այդ անտառի ծառերի վրայ շատ կար: **Մօտիկ տեղի աղբիւրը** նրան օգնեց եփել շագանակը իւր կաւէ ամանի մէջ: **Այս ամանը** շինուած էր շագանակ եփելու համար: **Այն երկրում**, ամեն մի հովիւ պահում է իւր մօտ այդպիսի մի աման:

**Առհասարակ** էմին վերադառնում էր ագարակը երեկոյեանները և որովհետև նա իւր երամակը հեռու տեղեր էր տանում արածացնելու, այդ պատճառաւ նա սովորեց ինքն իրա համար կերակուր եփել. ժողովում էր իւր համար հովիտներում բուսած քաղցր մորինները. «ահա ես գտայ ինձ համար լախոհանոց և սեղանատուն», մտածում էր նա:

**Նա սկսեց մաքրել փոքրիկ աղբիւրը**, դուրս տուեց նրա միջից խոտերը, փորեց մի փոքրիկ աւազան, և հազիւ մինչև արևի մայր մտնելը՝ նորա չորս կողմը քարեց: **Վերառաւ իւր ամանը և բարձրացաւ ճիւղի վրայ**, որոց ամբութիւնը արդէն փորձել էր: **Արկին բարձրացաւ և իջաւ**, թռաւ մի ծառից միւսը, և հասաւ իւր կաղնուն: **Նա բերեց մի խրտիտ չորացած խոտ և մամուռ**, որոնցից շինեց անկողին իրա համար՝ մաքրած փշակի մէջ: **Նա լսում էր թէ ինչպէս իւր հարեան բուն իրա գլխին բարկացած վայ էր տալի բոյնի մէջ:** «Նա կամ կը գտնի իրա համար մի ուրիշ տեղ, կամ թէ կսովորի ինձ հետ

Հարեանութիւն անել, մտածում էր Էմմին, «այս բարի կաղնին կարող է նորան էլ սիրել այնքան, ինչքան և ինձ»:


Տխուր չէր Էմմիի համար մէնակ մնալը, նա սովորել էր արդէն մենակութեան: Երբ նա ազատուեց խողերից՝ ուրախ ժամանակ էր անցկացնում: Նրա ականջը սովորեց գայլերի ձայնին, գիտէր որ նրանք անտառի մէջ են և չեն մօտենալ իրեն: Նա արդէն ընտելացել էր նրանց սովորութեան հետ: Յերեկով և պարզ օրերը նրանք անտառի խորքերումն էլ չէին երևում, նրանք միայն գալի էին ամպած օրերը: Երբեմն գալիս էին Էմմիի ետևից, բայց նա յետ էր դառնում և իւր դանակը երբ խփում էր երկաթին, որից մի ձայն էր դուրս գալիս, որ շատ նման էր հրացանի ձայնին, նրանք իսկոյն փախչում էին: Իսկ ինչ վերաբերում է վարազներին, Էմմին լսել էր նրանց անունը մի քանի անգամ, բայց երբէք իրանց չէր տեսել. այս կենդանիները ո՛չ մի ժամանակ իրանք չեն յարձակվում առաջին անգամ:

Երբ շականակները հասան, Էմմին հաւաքեց իրա համար պաշար, որ պահեց մի ծառի փշակում իւր կաղնուն մօտիկ, բայց մկները տեղն իմանալով՝ մեծ մասը կերել էին: Նա ստիպվեց պահել աւազի մէջ, որովհետև այնտեղ առանց փշանալու մնում էր մինչև գարունը: Էմմին ունէր շատ զանազան տեսակ կերակուրներ: Նա կարող էր գիշերով գնալ դաշտը, հանել գետնախնձոր և շաղգամ, բայց այս նշանակում էր գողութիւն անել, որը շատ հակառակ էր նրան: Նա ժողովեց շատ լրբի, շինեց ձիու մազերից թակարդ (թալակ) թռչուններ բռնելու. ժողովեց բաւականին ոչխարի բուրդ և իրա համար բարձ շինեց: Հովիւները կարող են ամեն բանից օգուտ քաղել և նրանց համար ո՛չ մի բան ի գուր չէ կորչում. նա երբեմն շինում էր ճախարակ և սովորում էր մանել. շինեց մի նիզակ փշացած երկաթէ վանդակներից, բայց մի ուրիշ տեղ բարակ երկաթէ ձող (մաֆտուլ) ևս գտաւ և շինեց թակարդ նապաստակ բռնելու համար: Այսպիսով Էմ-

մին կարողանում էր գործել իրա համար  
գուլքաներ և ճարել միշտ միս կերակրի հա-  
մար: Նա դարձաւ մի լաւ որսորդ, գիշեր և  
ցերեկ լաւ զննելով թռչունների սովորութիւն-  
ները: Գնում էր անտառի մէջ և երբեմն  
չատ հեռանում էր իւր կաղնուց ու բռնում  
էր շատ կենդանիներ իւր թակարդով: Եւ  
այսպէս ապրում էր առանց մտի պակասու-  
թիւն զգալու:

Նա ուներ բաւականին հաց, որովհետեւ  
մի աղքատ ապուշ պառաւ սովորութիւն էր  
արել իւրեան համար, որ ամեն շաբաթ անց  
էր կենում այդ տեղից, հանգստանում էր  
այստեղ և հեռանալու ժամանակ՝ թողնում  
էր մի կտոր հաց: Էմմին սպասում էր նը-  
րան և գլուխը ծածկած այծի մորթով, ցած  
էր գալիս ծառից և տալիս էր նրան իւր  
որսածներից մի բան նորա հացի փոխանակ:

Վախենում էր նա արդեօք Էմմիից, թէ  
չէ՛, այդ ո՛չ որ չգիտէ, միայն իւր վախը  
յայտնվում էր մի անտեղի ծիծաղով, որ ի-  
րեն շատ ձեռնտու էր:



Այսպիսով անցաւ ճմեռը, որ այս երկ-  
րում սաստիկ չէ լինում և եկաւ տաք ու  
չոք ամառը: Էմին առաջին անգամ շատ  
էր վախենում կայծակից, որովհետև կայծա-  
կը շատ անգամ էր խփում իրա մօտիկ ծա-  
ռերին: Նա նկատեց, որ իւր շատ անգամ  
կայծակից խփված կաղնին չունէր այլ ևս  
սրածայր գլուխ, այլ շատ ճիւղեր, որոնք  
բունի հետ միասին կարծես մի հովանոց  
լինէին. դրանք ընդունակ չէին ելք-  
տրականութիւնն ընդունելու, ինչպէս միւս  
բարձր գլուխ ունեցող ծառերը, այդ պատ-  
ճառով նա սկսեց գիշերները հանգիստ քը-  
նել նոյն իսկ որոտման փամանակ՝ այնպէս,  
իւր հարեան բուն:

Էմին այս մենակութեան մէջ զբաղուած  
էր զանազան գործերով-նա մտածում էր  
անդադար իւր ապրուստի և իւր ազատու-  
թեան վերայ և այս պատճառով նրա օրերը  
տխուր չէին անցնում:

Ուրիշները նրան գուցէ ծոյլ անվա-  
նէին, բայց իրան լաւ յայտնի էր, որ այս-

պէս մենակ ապրելովը անտառի մէջ աւելի  
 գործ էր կատարում, քան թէ ազարակում.  
 և ո՛րքան նա այսպէս միայն և պանդուխտ  
 մնաց անտառի մէջ, այնքան նրա վիճակը  
 լաւացաւ և այնքան նա սկսեց նոր-նոր բա-  
 ների վերայ մտածել: „Կարելի՞ է արդեօք  
 միշտ ապրել անտառի հաշուով, չը ծառա-  
 յել ոչ ոքի և չանել ոչ մի բան յօգուտ  
 իւր ազգականների“:

Նա մտաբերեց իւր բարեկամ ապուշ  
 պառաւ Կատիչին, որը ամենայն ժամանակ  
 բերում էր իրան համար հաց իւր ստացած  
 նապաստակների և արտուտների փոխանակ:  
 Որովհետև այս պառաւը խելագար էր, չէր  
 խօսում, ուրեմն և ոչ ոքի չէր յայտնի, որ  
 տեսել է իրեն, այդ պատճառաւ սկսեց ա-  
 ռանց վախենալու՝ բաց անել իւր երեսը և  
 խօսել նրա հետ:

Երբ պառաւը տեսնում էր Էմմին ծա-  
 ուից ցած իջնելիս, սկսում էր ծիծաղել և  
 յայտնել իւր ուրախութիւնը: Էմմին նկատեց  
 զարմացած, որ նա էլ է բաւական. նա չէր

խօսում, բայց երևում էր, որ շատ ուրախ  
 էր՝ երբ տեսնում էր, թէպէտ խեղճ ու աղ-  
 քատ մարդ, ինչպիսին էր Էմմին, որ սովոր  
 էր ապրել միայնակ, այնու ամենայնիւ միտի-  
 թարութիւն էր զգում:

Մի անգամ պառաւը յիմար ձեւանալով  
 Էմմին սկսեց խօսել և հարցրեց նրա բնա-  
 կութեան տեղը:

Յանկարծ թողեց իւր ծիծաղը և ասաց.  
 „Կամենո՞ւմ ես դու ինձ հետ դալ“:

„Ո՛ր“

„Ի՞մ տունը: Եթէ դու ցանկանաս ինձ  
 որդի լինել, ես քեզ կը բաղդաւորեմ և կը  
 հարստացնեմ“:

Շատ զարմացաւ Էմմին, երբ լսեց Կա-  
 տիչի այս խելօք և իմաստուն խօսքերը, էն-  
 պէս որ ստիպեց նրան հաւատալ. քամին  
 սաստիկ շարժում էր ծառի ճիւղերը, այդ  
 պատճառով կարծես նա լսեց կաղնու ձայնը  
 որ ասում էր. „մի՛ գնար“:

„Մնաս բարով“ ասաց նա պառաւին,  
 „ցանկանում եմ քեզ բարի ճանապարհ, իմ

կաղնին չէ կամենում, որ ես հեռանամ իւրեանից”:

„Քո կաղնին յիմար է“, ասաց նա. „կամ աւելի լաւ դու ինքդ ես յիմար, որ հաւատում ես՝ թէ ծառերը խօսում են“:

„Դուք կարծում էք թէ ծառերը չեն խօսում: Շատ սխալվում էք“:

„Ամեն ծառ էլ խօսում է, հենց որ փչում է քամին, բայց նրանք չեն հասկանում՝ թէ ինչ են խօսում, այնպէս որ մի և նոյն է թէ չեն խօսում“:

Էմմին շատ նեղացաւ այս բանի վերայ և չէր հաւատում: Նա պատասխանեց Կատիչին: „Դուք սուտ էք խօսում, պա՛ռաւ, եթէ բոլոր ծառերն էլ այնպէս վարվեն ինչպէս դուք, իմ կաղնին նրանցից չէ, նա գիտէ թէ ինչ է կամենում և ինչ է ուզում ասել“:

Պառաւր ուսերը վեր քաշեց. առաւ իւր պարկը և հեռացաւ՝ ծիծաղելով նորա վերայ:

Էմմին մտածում էր ինքն իրան, թէ երբ պէտք է թողնէ դա արդեօք իւր յիմարու-

թիւնը և խելօք կերպով խօսէ:

Էմմին սպասեց մինչև որ պառաւը փոքր ինչ հեռացաւ, յետոյ անցաւ մի ծառից միւսը և հետեւեց նրան, այնպէս որ նա չը նկատեց այս բանը: Նա գնում էր հանդարտ, գլուխը կախ արած, շրթունքները կիսաբաց, այնպէս որ միայն իւր առաջ եղած բաներն էր տեսնում: Թէև պառաւը դողրած էր, այնուամենայնիւ բաւական շուտ շուտ էր գնում: Այսպէս շարունակ երեք ամբողջ ժամ ճանապարհորդելով, հասաւ մի աղքատ գիւղի, որ շինված էր բլրի վերայ և որի ետևը տարածվում էր մի ընդարձակ անտառ, որ մարդու աչքը հազիւ էր կտրում տեսնել նրա ծայրը:

Էմմին տեսաւ թէ ինչպէս նա մտաւ մի փայտէ խրճիթ, որի մօտ շինած էին մի քանի նրա նման խրճիթներ. նրանք ոչնչով չէին զանազանվում միմիանցից. նա չը վստահացաւ անտառից դուրս գալ, այլ յետ դարձաւ՝ մտածելով որ կատիչը կունենայ իրա համար առանձին տուն և թէ նրա տունը աւելի անշուք և աղքատ կը լինի, քան թէ

իւր խօսող կաղնու փշակը:

Էմին դադրած՝ երեկոյեան յետ դարձաւ տուն և շատ բաւական էր, որ իրատան մէջն էր: Այս ճանապարհորդութիւնն անելով նա իմացաւ թէ ինչքան տարածութիւն ունէր անտառը և ինչքան հեռու էր մօտիկ գիւղը իւր կաղնուց: Այս գիւղը աւելի աղքատ երևաց Էմին իւրեանց գիւղից:

Այդ կողմերում չը կար մի այնպիսի գիւղ, ուր բնակվելիս լինէին լուսաւորված մարդիկ: Դաշտերը ծածկված էին սպիտակ ծաղիկներով. իւր տեսած կենդանիները այնքան լլար էին, որ կարելի էր նրանց կողքի ոսկորները մատներով համարել: Միայն հեռու՝ հորիզոնի կողմում երևում էր մի մութ անտառ: Այսպէս նա չը կարողացաւ գտնել իւր այս ճանապարհորդութեան մէջ ոչ մի տեղ, որ այնպէս գեղեցիկ լինէր, ինչպէս իւր կաղնու չորս բոլորը:

Պառաւ Կատիչը երևեցաւ սովորական ժամին: Նա վերադառնում էր Սեռնասից: Էմին հարցրեց նրան, թէ ի՞նչպէս է իւր

հօրաքոյրը, որովհետև ուզում էր իմանալ, թէ կը խօսէ՞ արդեօք պառաւը իրա հետ այնպէս, ինչպէս վերջին անգամը՝ թէ ոչ: Պառաւը պատասխանեց նրան խելացի կերպով:

„Մեծ Նանետտան (հօրաքոյրը) երկրորդ անգամ մարդու է գնացել և եթէ դու ուզենաս նրա մօտ գնալ, նա քեզ կը սպանէ որ քեզանից ազատուէ“:

„Ճշմարիտ էք ասում“, ասաց Էմին: Այո՛, ճշմարիտ է, քեզ մնում է միայն երկու բան-կամ պէտք է վերադառնաս քո առաջուայ պարոնի մօտ և խողերի հետ ապրես կամ թէ պէտք է գաս ինձ հետ հաց ճարելու և այս բանը քեզ համար շատ լաւ կը լինի: Անկարելի է միշտ անտառում ապրել: Անտառը ծախված է և հաւանական է, որ հին ծառերը կը կտրատեն: Քո կաղնին էլ նրանց հետ կը կտրուի: Հաւատա՛ ինձ, այ տղայ, չէ կարելի ապրել առանց աշխատելու. գնանք ինձ հետ. ես ու դու միասին շատ փող կ'աշխատենք, իսկ երբ ես կը մեռնեմ՝ բոլորն էլ քեզ կտակ կանեմ“:

Էմին, երբ լսեց ապուշի այսպիսի խելօք խօս-  
քերը, շատ զարմացաւ և սկսեց ականջ դնել՝  
թէ ինչ կասէ իրան արդեօք իւր հաւատա-  
րիմ կաղնին:

„Մի նեղացրու այդ խելոճ կաղնուն „ա-  
սաց Կատիչը“ „մի՛ յիմարանալ, արի գը-  
նանք ինձ հետ“: Ծառը ոչինչ չը խօսեց,  
այդ պատճառով Էմին գնաց նրա ետեւից  
և ճանապարհին սկսեց պառաւը պատմել իւր  
գլխի անցածը:

„Ես ծնուել եմ մի շատ հեռու երկրում,  
աղքատ և որբ, ինչպէս և դու“, ասաց նա:  
„Ես մեծացել եմ աղքատ և իմ կեանքը  
թշուառ է անցել: Ես ևս քեզ պէս խոզեր  
էի արածացնում և շատ վախենում էի այդ  
անիծածներից: Քո անցքը իմ գլխովս էլ է  
անցել-ես էլ մի անգամ խոզ արածացնելիս՝  
անց էի կենում մի փթած կամուրջի վերա-  
յով, յանկարծ սւքվեցայ և ջուրն ընկայ ու  
այնտեղից քաշ տալով հանեցին ինձ կիսա-  
մեռ: Ինձ տարան մի բարի բժշկի մօտ և  
ես երբէք չեմ մոռանայ նրա արած լա-

տութիւնը, որովհետև ինձ նոր կեանք տուեց:  
Հենց էն օրից սկսած՝ այս դժբաղդութիւնը  
ինձ պատահեց ու դարձայ ապուշ, խուլ և սկըղ-  
բում համարեա՛ չէի կարողանում խօսել:  
Նա ինձ պահեց իրա մօտ և որովհետև ինքն  
աղքատ էր, այդ պատճառաւ ծխական քա-  
հանան ստորագրութիւն բացեց ինձ համար  
և ես սկսեցի ամենքից ողորմութիւն խընդ-  
րել: Բարի տիկիները տալիս էին շորեր,  
գինի, քաղցրեղէն և ամեն բան, ինչ որ ինձ  
հարկաւոր էր: Ես սկսեցի առողջանալ և  
ինձ լաւ էին պահում: Իմ ախորժակս բաց  
էր. խմում էի քաղցր գինի. իմ սենեակում  
կրակը վառ էր. ապրում էի ինչպէս թա-  
գուհի և իմ բժիշկը ինձանից շնորհակալ էր  
լինում: Նա ասում էր ուրիշներին, ահա այ-  
ժըմ հասկանում է, ինչ որ իրան ասում են,  
կարողանում է ասել, ինչ որ ուզում է: Եր-  
կու, երեք ամսից յետոյ նա կարող է աշ-  
խատել և երեսի քրտինքով իրա գլուխը պա-  
հել: Բայց տիկիները վիճում էին միմեանց  
հետ, թէ որի մօտ պէտք է լինեմ: Ես շատ



հեշտ կարող էի ինձ համար տեղ գտնել, երբ առողջացայ. բայց բանն այն էր, որ չէի սիրում աշխատել և այդ պատճառով ամենքն էլ ինձանից անբաւական էին: Ես ցանկանում էի լինել աղախին, բայց չը գիտէի ո՛չ կարել և ո՛չ լուանալ: Ես թողի այդ տեղը այն մտքով, որ կարող եմ գորանից մի լաւը գտնել: Բայց ափսո՛ս, որ այդպէս չեղաւ-ինձ հայհոյում էին, կեղտոտ և ծոյլ էին անվանում: Էլ չկար իմ ծեր բժիշկը, որ պաշտպանէր ինձ, նա վաղուց մեռել էր: Ինձ հալածում էին մի տանից միւսը և այս բանից յետոյ, երբ ամենքը ինձ յիմարի տեղ էին ընդունում, ես ստիպուած թողի այդ երկիրը և սկսեցի ողորմութիւն հաւաքել: Բաղդի հետ ես ըսկըսեցի վարվել, բայց այնքան քիչ ողորմութիւն էին տալիս, որ հազիւ թէ նրանով կարելի լինէր կերակրվել: Իմ հասակիս և առողջութեանս նայելով ինձ յարմար էին համարում արդէն գնալ և ողորմութիւն հաւաքել. այդ պատճառով ինձ ասում էին, գնա՛ աշխատելու, ծոյլ, շատ ամօթ է քո

պէս մարդու համար վաղվընէ փողոցներում, երբ դաշտերի քարերը մաքրելով, կարող ես ստանալ վեց սու մի օրում: Այն ժամանակ ես դիտմամբ սկսեցի կաղալ, որ նրանք կարծեն՝ թէ ես չեմ կարող աշխատել, բայց չը յաջողեց, ըստ որում նրանք հասկացան: Ես յիշեցի իմ ապուշ ժամանակն, երբ բոլորը ինձ վերայ ցաւում էին. ես սկսեցի էլի առաջուայ պէս վարվել. կերպարանքս փոխում էի և խօսելու փոխանակ սկսում էի ծիծաղել և այնպէս ձեացնում էի ինձ, որ ամենքն էլ խղճում էին և հաց ու փող էր, որ լքցվում էր իմ պարկը: Քառասուն տարի է ահա՛ ինչ որ ես այսպէս ապրում եմ, ոչ մէկը իւր երեսը ինձնից չը դարձրեց: Ով չունէր փող, տալիս էր պանիր, մրգեղէն, հաց և այնքան ժողովում էի, որ հազիւ կարողանում էի տուն բերել: Ես պահում եմ շատ հաւեր և կերակրում եմ նրանց այդ աւելորդ փշրանքներով. յետոյ ուղարկում եմ փողոցը և շատ լաւ գնով ծախվում են: Ես գիւղում ունիմ մի լաւ տուն, ուր քեզ այժմ

տանում եմ, թէև այդ երկիրը պտղատու չէ, բայց միջի մարդիկը բարի են: Մենք ամենքս էլ աղքատ հաշմանդամ ենք: Ամենքս էլ թափառում ենք երկրէ երկիր, բայց առաջուց մտածում ենք՝ թէ ո՛վ որ կողմը պէտք է գնայ, որպէս զի միմեանց չը պատահենք: Մեզանից ամեն մէկը այնպէս է բռնում իւր բանը, ինչպէս իւր սիրտն է ուղում, բայց ո՛չ ոք չէր կարողանում այնպէս անընդունակ ձևացնել իրան աշխատելու, ինչպէս ես՝:

«Այո՛, ես երբէք չէի կարծում՝ թէ դուք կարող էք խօսել», ասաց Էմմին:

«Այո՛, այո՛, աղաղակեց ծիծաղելով Կատիչը, «դու ուզում էիր ինձ խաբել և վախեցնել, երբ գլուխդ այծի մորթով ծածկած ցած էիր գալիս քո ծառից, որ քեզ համար հաց ստանաս: Ես այնպէս էի ձևանում, իբր թէ քեզանից վախենում եմ, բայց քեզ լաւ էի ճանաչում և ինձ ու ինձ ասում էի, այն քաղղ տղայ, կը գայ մի գեղեցիկ օր, որ դու կը գաս Ուրսին-Լէբուա և ուրախ-ուրախ

մի կտոր հաց կուտես իմ աղքատ սեղանից»:  
Այսպէս խօսելով միմեանց հետ Կատիչը և Էմմին՝ հասան Ուրսին-Լէբուա: Այս այն գիւղն էր, ուր բնակվում էր խաբեբայ ապուշը և որին Էմմին արդէն տեսել էր:

Ո՛չ մի մարդ չէր երևում այս խեղճ գիւղի մէջ:

Կենդանիները թափառում էին կառերով (ՊԵՐՏԱՍՈՂՈՅԵ) ծածկուած դաշտի մէջ: Փողոցների վերին աստիճանի անմաքրութիւնը, մօտիկ տներից տարածուած զգուելի հոտը, թփերի վերայ փռած անմաքուր սպիտակեղէնները, փտած ծղօտէ կտուրները, որոնց վերայ բուսած էր եղինջ-այդ ամենը ներկայացնում էին գիւղական կեանքի անհոգ ու պակասաւոր կողմերը և զգուանք էին պատճառում Էմմին, որ մեծացել էր կանաչ մարգագետիններում և անուշահոտութիւն բուրոզ անտառների պարզ ու անոյշ օդի մէջ:

Այսու ամենայնիւ նա գնաց պառաւի ետեւից մինչև նրա խրճիթը, որը աւելի նման էր մի խողանոցի, քան թէ մարդու բնակարանի:

Տան ներսի կողմը բոլորովին ուրիշ ձև ու ներ-պատերը ծածկուած էին փսեաթով, ան-կողնի վրայ կար մի լաւ մահիճ (դոշակ) և մի բրդէ վերմակ (լեհեք): Ամեն տեսակ պա-շարեղէններով լիքն էր տունը, -հաց, խոզի իւղ, ընդեղէններ, մի տակառ լիքը գինի և մինչև անգամ կնքած շիշեր, իսկ յետևի բա-կում ունէր շատ լաւ չաղ հաւեր:

„Տեսնում ես, Էմմի, ես քո հօրաքրօ-ջից հարուստ եմ“, ասաց Կատիշը, „նա ա-մեն շաբաթ ինձ ողորմութիւն է տալիս, բայց եթէ ես ուզենամ, կարող եմ նրանից աւելի լաւ շորեր հագնել: Կը կամենաս տեսնել իմ պահարանը: Գնանք, տես. գիտեմ դու քաղցած էլ կը լինես, ես քեզ կ'ուտացնեմ մի այնպիսի արգանակ (սուպ), որ դու քո կեանքիդ մէջ կերած չը լինես“:

Յիրաւի, քանի որ Էմմին նայում էր նրա պահարանին, պառաւը կրակ վառեց և հանեց իւր տոպրակից մի այծի գլուխ և ըս-կրսեց խորովել: Նա սեղանի վրայ դրեց նոյն-պէս աղ, իւղ, կանաչի և մրգեղէններ, որոնք

հաւաքել էր վերջին անգամ անտառում:

Նա պատրաստեց այս բոլորից մի տե-սակ կերակուր, որ Էմմին զարմանալով կե-րաւ, իսկ վերջը նրան մի շիշ գինի ևս խմե-ցրեց: Նա երբէք գինի չէր խմել և այդ պատճառով դուր չեկաւ, բայց այսուամենայ-նիւ նա խմեց և որպէս զի օրինակ տայ նրան, պառաւը ինքն էլ խմեց մի ամբողջ շիշ, հար-բեց և այլ ևս չէր ամաչում: Նա պարծե-նում էր, որ խելօքութիւնով գողութիւն ա-նելը լաւ է ողորմութիւն հաւաքելուց և մին-չև անգամ, որպէս ասպացոյց ցոյց տուեցնը-րան վառարանի տակ պահած մի քանի տոպ-րակ ոսկին:

Այս փողերը երկու հազար ֆրանկից պակաս չէին. բայց Էմմին որովհետև չը գի-տէր համարել, այդ պատճառով չը կարո-ղացաւ գնահատել նրանց արժանաւորութիւնը, ինչպէս պառաւն էր ցանկանում: Այս բոլորը ցոյց տալուց յետոյ, ասաց պառաւը. „Հիմայ կարծեմ դու էլ չես գնայ իմ մօտից: Ինձ մի տղայ է հարկաւոր և եթէ դու ցանկա-

նաս ինձ ծառայել, ես քեզ իմ ժառանգ  
կը չիմեմ“:

„Շնորհակալ եմ, աղքատութիւն չեմ  
անիլ“ պատասխանեց տղան:

„Ուրեմն դու գողութիւն պէտք է անես  
ինձ համար“:

Էմմին քիչ էր մնացել որ բարկանար,  
բայց պառաւը խօստացաւ նրան տանել Մա-  
վէր, որտեղ պէտք է լինէր տօնավաճառ  
(եարմրկայ) և որովհետև նա ցանկանում էր  
տեսնել այդ երկիրը, ուր մի բարի մարդու  
մօտ գուցէ կարողանար արդար հաց ճարել,  
այդ պատճառով պատասխանեց առանց բար-  
կանալու. „Ես գողութիւն անելու չնորհք  
չունիմ, այդպիսի բաներ չեմ սովորել“:

„Սուտ ես խօսում, աղաղակեց Կատիչը,  
դու շատ յաջողակ ես կարողանում ձեռք  
բերել անտառում քո որսը և պողէղէնը:  
Դու կարծում ես թէ այդ բաները ոչ ոքի  
չեն պատկանում: Միթէ դու չը գիտես թէ  
նա, որ չէ աշխատում, ապրում է ուրիշի  
հաշուով: Այդ անտառը շատ ժամանակ է

լինչ անտէր է, դրա տէրը մի ծեր հարուստ  
մարդ էր, որ ոչ մի պարապմունք չունէր,  
ուշք չէր դարձնում մինչև անգամ նրա  
պահպանութեան վերայ: Այժմ որովհետև  
նա մեռել է, այս բոլորն էլ կը փոխուի և  
դու որ թագ ես կենում մկան պէս քո բունի  
մէջ, դուրս կանեն քեզ և բերդը կը տանեն“:

„Ուրեմն ինչո՞ւ համար ինձ գողութիւն  
ես սովորցնում“, հարցրեց Էմմին:

„Այն պատճառով, որ դու երբ լաւ կը  
սովորես այդ արհեստը, այն ժամանակ չես  
բռնուիլ: Դրա վրայ մտածելը ուշ է, մենք  
պէտք է վաղը շուտով վեր կենանք և ճա-  
նապարհ ընկնենք դէպի տօնավաճառ: Ես կը  
պատրաստեմ քեզ համար կողինք արկղի վե-  
րայ, մաշիճդ աղուամազից (բմբուլ) կը լինի,  
իսկ վերմակդ՝ փափուկ և այնպէս քաղցր կը  
քնես, որ քո օրումդ տեսած չը լինես“:

Էմմին չը համարձակվեցաւ հակառակել:  
Երբ պառաւ Կատիչը չէր ձևանում իբրև  
ապուշ, այն ժամանակ նորա կերպարանքի  
վերայ նկատվում էր մի դարմանալի փոփո-

խութիւն: Նա պառկեց: Սկզբում շատ զարմացաւ, որ այդպէս հանգիստ էին անցնում նրա բոպէքը. երկար չը քաշեց այս հանգստութիւնը և նա կրկին իւր առաջուայ վիճակի մէջն էր: Այն աղուամազէ մահիճը կտրում էր նրա շունչը. վերմակը, օդի պակասութիւնը, խոհանոցի անախորժ օդը և խմած գինին՝ նրա մէջ շերտ յառաջացրին: Նա վեր թռաւ տեղից և ասաց, որ ցանկանում է դուրսը քնել. նա կը մեռնէ եթէ գիշերը անցկացնէ այս փակած տեղում: Առ ոք չկար. կատիչը խորը քնած էր, իսկ դուռը փակած: Վերջը Էմմին վճռեց սեղանի վրայ քնել՝ այստեղ նրա միտն ընկաւ իւր մամուռէ անկողինը ու ծառի փշակը:

Միւս առաւօտ կատիչը յանձնեց նրան մի զամբիւղ ձու և վեց հատ հաւ ծախելու և պատուիրեց միւսնոյն ժամանակ, որ գայ իւր ետեւից և այնպէս ձեռնայ, որպէս թէ իրեն չէ ճանաչում:

«Եթէ իմանան, որ այդ հաւերը իմն են, ողորմութիւն չեն տայ ինձ, ասաց պառաւը

և նշանակեց ձուերի գինը, թէ ի՞նչպէս պէտք է ծախէ ամեն մէկը»: «Ես քո ետեւից միշտ կը գամ և չեմ թողնի իմ աչքիցս հեռանաս, միայն զգոյշ կաց, որ բոլոր փողերը ինձ տաս, եթէ պակաս բերես, մնացածը քեզանից կը ստանամ»:

«Եթէ ինձ չէք հաւատում, դո՛ւք տարէք ծախելու և ինձ թո՛յլ տուէք, որ տուն գընամ», պատասխանեց Էմմին սաստիկ նեղացած:

«Դու մի մտածիր, որ փախչելով կարող ես ազատուել, ասաց պառաւը. ես ամեն տեղ կը գտնեմ քեզ, մի՛ հակառակվիր, արա՛, ինչ որ ասում եմ»:

Էմմին լսեց պառաւին և գնաց նրա ետեւից: Ճանապարհի վրայ նա տեսաւ շատ աղքատներ շարված՝ մէկը միւսից աւելի խեղճ և օգնութեան կարօտ: Դորա Աւրսինի բնակիչներն, որ գնացել էին ամբողջ գիւղով կենդանութեան աղբիւրը բժշկուելու: Այդ գիւղացիք համարեա՛ ամենքն էլ հեւանդ էին. մէկ քանիսի ոտներն էին թուլա-

ցել և մէկ քանիսի մարմինը ծածկուած էր վերքերով:

Աղբիւրից ամենքն էլ վերադառնում էին ողջ և առողջ: Այս մի հրաշք է, որ դժուար չէ բացատրել նրանց բոլոր հիւանդութիւնները հնարովի էր, երբ անցնում էր մի քանի շաբաթ՝ կրկին հիւանդանում էին, որպէս զի եկող տօնի ժամանակ նորից գընան այնտեղ առողջանալու:

Էմմին ծախեց իւր հաւերն ու ձուաները, իսկոյն փողերը տուեց պառաւին և յետ դարձնելով երեսը նրանից՝ զարմացած սկսեց նայել ամենայն կողմ: Նա տեսաւ թէ ինչպէս զամբաղները զարմանալի աչքակապութիւններ էին անում, բայց երբ լաւ նայեց և տեսաւ նոցա պլպլուն վարտիկները և ոսկով զարդարած կապոցները, աւելի ևս զարմացաւ:

Այդ միւսնոյն միջոցին նա լսեց մի անսովոր խօսակցութիւն: Դա Կատիշի ձայնն էր, որը խառնվել էր ջամբաղների գլխաւորի կոպիտ ձայնի հետ: Նրանք միմեանցից բաժանվում էին վրանի կտաւով: Եթէ դուք նրան

մի շիշ գինի տաք, կարող էք ամեն բանը իմանալ, ինչ որ ձեզ հարկաւոր է, ասաց պառաւը: Այդ յիմարը, որ ոչ մի բանի պիտանի չէ ինձ, այս մի ամբողջ տարի է ինչ որ ապրում է ծառի փշակի մէջ, կապկից արագաչարժ է և այծից էլ թեթեւ. դուք կարող էք նրան սովորցնել ամեն տեսակ աչքակապութիւն:

„Փող սիրո՞ւմ է նա՝ թէ ոչ“:

„Այդպիսի բաների վրայ երբեք չէ մտածում: Դուք կերակրեցէք նրան և չք կարծեմ նրա խելքը կտրէ աւելի բան պահանջել ձեզանից“:

„Եթէ կամենայ փախչել“:

„Է՛հ, դուք հասկացրէք նրան, որ այդ անկարելի բան է“:

„Բերէք ինձ մօտ, ես ուզում եմ նրան տեսնել“:

„Քսան ֆրանկ կը տա՞ք ինձ“:

„Կը տամ եթէ հաւանեմ“:

Կատիշը դուրս եկաւ խրճից և շտապեց դէպի Էմմին, երես երեսի կանգնեց

նրա դէմ և մատով նշան արեց իրա ետևից  
 դալ: «Ո՛հ, ես լսեցի ձեր խօսակցութիւնը, պա-  
 տասխանեց Էմմին, ես այնքան յիմար չեմ,  
 ինչքան դուք կարծում էք. ես չեմ գնայ  
 այն մարդկանց մօտ, որ ծեծեն ինձ»:

«Դու լաւ կը գնաս», ասաց Կատիչը,  
 և բռնեց նրա ձեռքը ու քաշ տուեց դէպի  
 խրճիթը»:

«Չեմ ուզում չէ՛» աղաղակեց երեխան և  
 հեռացաւ նրանից: Նա պինդ բռնեց իւր  
 մօտ կանգնող մարդու փեշերից, որ ներկայ  
 էր այս տեսարանին: Այս մարդը յետ դարձաւ  
 և հարցրեց Կատիչին. «Քո՞նն է այդ երեխան»:

«Ո՛հ, դա՛ ո՛չ իմ մայրս է և ոչ իմ ազ-  
 գականներից մէկը, նա ուզում է ինձ փողով  
 ծախել ջամբազների վերայ» ձայն տուեց ե-  
 րեխան:

«Դու չե՞ս ուզում»: խնայֆ մաս...

Ո՛հ, ո՛հ, չեմ ուզում, ինձ աղատեցէ՛ք նո-  
 րա ձեռքից, տեսնում էք ինչպէս պինդ սեղ-  
 մում է իւր եղունգներով իմ ձեռքը, քիչ է

մնում արիւն դուրս գայ»:

Այդտեղ կանգնած էր մի գեղեցիկ ու  
 բարձրահասակ ժանդարմ Էրամբէր անու-  
 նով. դա շատ խղճաց Էմմիի վրայ, երբ տե-  
 սաւ, որ պառաւը այնպէս նեղացնում է նրան.  
 «Ի՞նչ կար ի՞նչ է պատահել այդ երկուսին»,  
 հարցրեց ժանդարմը մօտիկ կանգնող մար-  
 դուն:

«Ոչինչ, պատասխանեց գիւղացին, որի  
 փեշից Էմմին դեռ ևս բռնած ունէր. պա-  
 ռաւը կամենում է ծախել երեխային այս  
 լարախաղներին, բայց նրան չեն թողնիլ իրա  
 ուզածն անել. դուք մի՛ նեղացէք, առանց  
 ձեզ էլ բանը կը վերջանայ»:

«Ժանդարմները ամեն ժամանակ հար-  
 կաւոր են, սիրելիս, ես ուզում եմ իմանալ,  
 թէ ի՞նչ է պատահել»:

Նա հարցրեց Էմմիին. «Ի՞նչ, տղայ, ասա  
 տեսնեմ, ի՞նչ է պատահել»:

Կատիչը երբ տեսաւ ժանդարմին, թո-  
 ղեց Էմմիին և կամենում էր փախչել, բայց  
 երբ Էրամբէրը բռնեց նորա ձեռքից, պա-

ուաւը սկսեց ծիծաղել և ծամուծուծութիւններ ա-  
նել (կերպարանքը փոխել), որպէս թէ ա-  
պուշ է: Էմմին ուզում էր խօսել, բայց Կա-  
տիշը աչքերը շուռ տուեց նրայ: Էմմին ո-  
րովհետև փոքրութիւնից էլ շատ էր վախե-  
նում ժանդարմներից, այդ պատճառով ա-  
սում էր ինքն իրան. «ես եթէ պառաւին  
մեղադրեմ, Էրամբէրը իւր սրով անպատճառ  
կը կտրէ նրա գլուխը»:

Էմմին խղճաց պառաւի վերայ, յետ դար-  
ձաւ և ասաց Էրամբէրին. «խնդրում եմ,  
որ թողնէք նրան, նա հանաք էր անում ինձ  
հետ. ո՛չ մի չար միտք չունէր: Ճանաչում  
էք սորան, սա Կատիշն է, որ սիրում է իրա  
խելքից դուրս բաներ անել»:

Կատիշը այնպէս խեղճ-խեղճ նայում էր  
Էմմիի երեսին, որ մարդու լացը կը գար:

Այս որ տեսաւ Էմմին, խղճաց նրա  
վերայ և աւելի սկսեց սուտ խօսել, որ ա-  
զատէ պառաւին: «Ես սորան լաւ եմ ճա-  
նաչում սա Կատիշն է»:

«Ես գիտեմ որ այդ այդպէս է», ասաց

գեղեցիկ ժանդարմը արձակելով Կատիշին,  
«բայց չը մոռանաք, որ շատ ժամանակէ, ինչ  
ես ձեր ետեկից ման եմ գալի՝ որ տեսնեմ,  
թէ ի՞նչ էք անում»:

Կատիշը փախաւ. ժանդարմն էլ հեռա-  
ցաւ:

Էմմին, որ աւելի էր վախենում Էրամ-  
բէրից, քան թէ պառաւ Կատիշը, դեռ ևս  
բռնած ունէր հայր Վինցենտի փեշից: Սա  
մի գիւղացի էր. նրա երեսին մտիկ տալիս  
մարդ ուրախանում էր, այնքան բարի և ազ-  
նիւ սիրտ ունէր:

«Հը, ի՞նչ է տղայ, ասաց գիւղացին Էմ-  
մին, հիմայ է՞լ չես թողնիր ինձ: Դու այլ ևս  
մի՛ վախենար: Ինչ ես ուզում ինձնից, ո-  
ղորմութիւն, փո՞ղ»:

«Ո՛չ» ասաց Էմմին, «չնորհակալ եմ, ես  
այժմ վախենում եմ այս մարդկանցից և չը  
գիտեմ, թէ ո՞ր կողմը գնամ»:

«Բայց դու ո՞ւր ես ուզում գնալ»:

«Ես ուզում եմ յետ դառնալ Սերնասի  
անտառը մի ուրիշ ճանապարհով, որ չը տես-



նեմ Աւրսին Լէրուան”:

„Դու Սերնաստ՞ումն ես ապրում: Այդ շատ լաւ պատահեց, ես քեզ շուտով այնտեղ կը տանեմ, որովհետեւ ինքս էլ այն անտառըն եմ գնալու: Դու միայն պէտք է իմ ետեւիցս գաս: Ես գնում եմ ընթրելու այս հովանոցը, իսկ դու այս խաչի մօտ ինձ սպասի՛ր, մինչև իմ գալը“:

Էմմին տեսաւ, որ փայտէ խաչը շատ մօտ է Կատիչի խրճիթին, լաւ համարեց գնալ Վինցենտի հետ հովանոցը:

Ինքն էլ սոված էր. ճանապարհ ընկնելուց առաջ պէտք էր փոքր ինչ ուտել:

Էմմին հարցրեց խոնարհութեամբ իւր բարերարին. „Արդեօք անպատուութիւն չի՞ վնի ձեզ, եթէ պարկիցս հանեմ հաց ու պանիր և ուտեմ ձեր առաջ. ես թէև աղքատ եմ, բայց կարող եմ այդ ծախսը վճարել“: „Ահա՛ քեզ քսակս, վճարի՛ր երկուսիս կերակրի փողըն էլ“:

„Սատանան ո՛չ գիտէ“, աղաղակեց հայր Վինցենտը, „այ քեզ ազնիւ տղայ: Ես չա-

փաղանց սոված եմ, իսկ քո քսակումն էլ այնքան փող չը կայ, որ ես կարողանամ կըշտանալ. արի՛ և նստի՛ր այստեղ. վեր սնո փողերդ տղայ, ես այնքան ունիմ՝ որ երկուսիս էլ բաւական է“:

Ճաշի վերայ Վինցենտը ստիպեց Էմմին պատմել իւր գլխի անցածը և երբ վերջացրեց, նա ասաց. „Ես տեսնում եմ, որ դու մի ազնիւ և բարեսիրտ տղայ ես, որովհետեւ դու չը խաբւեցիր պառաւի փողերից և նըրան էլ բերդը չ՛ուղարկեցիր: Մոռացիր դու այդ պառաւին, իսկ քո անտառը մի՛ թող, եթէ դու այդպէս սիրում ես այնտեղ ապրելը: Եթէ դու ուզենաս, կարող ես ընկեր ևս ունենալ: Ես գնում եմ այնտեղ, որ պատրաստեմ քսան մշակի համար տեղ, որոնք պէտք է Սերնասի և Պլանչետի միջի ծառերը կտրեն“:

„Ի՞նչ, դուք կամենում էք անտառը կըտրե՞լ“, բացականչեց Էմմին վախեցած:

„Ո՛չ, մենք միայն ցանկանում ենք նրա մի մասը կտրել, որ շատ հեռու է քո կաղ-

նուց: Ես հաստատ գիտեմ, որ հաստաբուն  
 և հաստարմատ ծառերին ձեռք չեն տալ: Ա-  
 պահով եղի՛ր, քեզ չեն անհանգստացնիլ, բայց  
 եթէ ինձ լսես, որդեակ, կը դաս մեզ հետ  
 աշխատելու: Դու այնքան ոյժ չունես, որ  
 կարողանաս կացնով աշխատել և եթէ դու  
 արագաշարժ ես, կարող ես խուրձեր պատ-  
 րաստել և հիւսել և այստեղ այնտեղ օգ-  
 նել մշակներին, որովհետև նոցա հարկաւոր  
 է մի տղայ, որ նրանց յանձնարարութիւնը  
 կատարէ և կերակուր բերէ: Այս բանը  
 ես ինքս եմ յանձն առել: Մշակնե-  
 րին օրով եմ վարձել, քեզ առաջարկումեմ,  
 որ յոյսդ ինձ վերայ դնես և ասես, ի՞նչ է  
 քո օրական վարձը: Պառաւ կատիչը ճշմա-  
 րիտ էր ասում՝ թէ ով չէ ուզում աշխատել,  
 նա պէտք է կամ գողութիւն անէ կամ ողոր-  
 մութիւն ժողովէ, բայց որովհետև դու չես  
 ցանկանում ոչ գողութիւն անել և ոչ ողոր-  
 մութիւն հաւաքել, ուրեմն յանձն ա՛ռ այն  
 աշխատութիւնը, որը ես քեզ առաջարկում  
 եմ. ամեն ժամանակ այսպէս չի պատահիլ:”

Այս բանը Էմմին ուրախութեամբ ըն-  
 դունեց և հայր Վինցենտի խօսքերին նա ան-  
 կեղծ նշանակութիւն էր տալիս: Նա կատա-  
 րում էր այն ամենը, ինչ որ հայր Վինցենտն  
 էր ասում: Երկուսն էլ միասին ուղևորուե-  
 ցան անտառը:

Մութն էր, երբ նորա տեղ հասան: Հայր  
 Վինցենտը թէև ճանապարհը լաւ էր ճանա-  
 չում, բայց այնուամենայնիւ դժուարանում էր  
 գտնել այն տեղը, որտեղից պէտք է կտրը-  
 տէին ծառերը, իսկ Էմմին, որ գիշերները  
 անտառի ամեն մի ծակ ու ծուկն անգիր  
 գիտէր, տարաւ ուղղակի իւր ուղած տեղը  
 աւելի մօտիկ ճանապարհով: Նորա գտան  
 արդէն մշակների պատրաստած իջևանը, ո-  
 րոնք մի օրից առաջ էին եկել: Այդ շինու-  
 նութիւնը ոչ այլ ինչ էր, եթէ ոչ մի քանի ցի-  
 ցեր գետնի մէջ խրած ու ծածկած ճիւղե-  
 րով և մամուռով: Էմմին ծանօթացաւ մը-  
 շակների հետ և շատ սիրելի դառաւ. նորան  
 ուտացրին տաք արգանակ, յետոյ թողին: Էմ-  
 մին զնայ և հանգիստ քնեց:

Միւս օրը նա արդէն սկսեց սովորել՝  
 թէ ինչպէս պէտք է կրակ անել. ամանները  
 լուանալ. շուր բերել, իսկ մնացած ժամա-  
 նակն օգնել մշակներին նոր խրճիթ շինելու,  
 որովհետև ուրիշ քսան հատ փայտահատներ  
 ևս պէտք է գային: Հայր Վինցենտի խելքը  
 գնում էր Էմմիի սրամտութեան և արագա-  
 շարժութեան վերայ: Էմմին շատ լաւ ճանա-  
 չում էր իւր պարտականութիւնները, այն բա-  
 նը, որ պէտք էր անել, նա չէր թողնում որ  
 ասեն իրան, այլ առանց ասելու էր անում. սորա  
 համար բոլոր մշակները ասում էին. «Նա ո՛չ  
 թէ մարդ է, այլ մի բարի հոգի»:

Բացի իւր սրամտութիւնը և արագա-  
 շարժութիւնը, նա խոնարհ և լսող էր, այդ  
 պատճառաւ էլ ամենքը սիրեցին նորան—ա-  
 մենակողախ փայտահատներն էլ սիրով էին  
 խօսում նրա հետ և խնայում էին շատ բան  
 հրամայելու:

Հինգ օրից յետոյ Էմմին հարցրեց հայր  
 Վինցենտին՝ թէ կարո՞ղ է արդեօք կիւրակէ  
 օրերը՝ որտեղ ինքն ուզում է, այնտեղ գնայ:

«Դու ազատ ես», պատասխանեց նորան  
 բարի մարդը, «և եթէ դու ինձ լսես, կը գնաս  
 քո հօրաքրոջ և կամ քո հին պարոնի մօտ:  
 Եթէ ճշմարիտ է նա քեզ վերայ հոգ չէ տա-  
 նում, այսուամենայնիւ ուրախ կը լինի, երբ  
 որ կը լսէ, թէ դու մի կտոր հաց ես աշ-  
 խատում քո քրտինքով: Իսկ ինչ վերաբե-  
 ղում է կալուածատիրոջը, որից դու վախե-  
 նում ես, որպէս թէ քեզ կը պատժէ, որ  
 դու թողել ես նրա երամակը, ես քեզ հետ  
 կը գամ, կը հասկացնեմ նորան բանի որ-  
 պիսութիւնը և կը խնդրեմ, որ ներէ: Հա-  
 ւատա՛ ինձ, որդեակ իմ, որ սա լաւ միջոց  
 է ու դու կարող ես ազատուիլ»:

Էմմին շնորհակալութիւն արեց նրա բա-  
 րի խորհրդի համար և ընկաւ նրա հետեից:  
 Հօրաքրոյրը, որ կարծում էր թէ նա մեռել  
 է, շատ վախեցաւ, երբ տեսաւ: Էմմին չպատ-  
 մեց նրան իւր գլխի անցածը, բայց յայտնեց՝  
 որ ինքը աշխատում է փայտ կտրողների հետ  
 և այլ ևս իրա համար ծանրութիւն չէ լի-  
 նելու: Հայր Վինցենտն էլ իւր կողմից հաս-

տատեց Էմիի խօսքերը և յայտնեց, որ ինքը որդու պէս սիրում է նրան: Նա միևնոյն բանը ասաց ազարակում, որտեղ շատ սիրով ընդունեցին և պատիւ տուին, նրանց հիւրասիրեցին հացով և գինիով: Մեծ Նանետան եկաւ այնտեղ և իւր բարեսրտութիւնը ցոյց տալու համար՝ համբուրեց Էմիին բոլորի առաջ, բերեց նրա համար մի քանի կտոր շոր և մի քանի գլուխ պանիր:

Էմին վերադարձաւ իւր ծեր փայտահատի հետ ուրախ-ուրախ և ազատուեց շատ տեսակ տանջանքներից և նախատինքներից: Երբ նոքա լանդերից անցան, Էմին ասաց Վինցենտին. «Չը բարկանաք ինձ վերայ, եթէ ես գնամ գիշերը իմ կաղնու վերայ անցկացնելու: Ես ձեզ խոստանում եմ, որ դեռ արեգակը չը ծագած՝ ձեզ մօտ կը լինիմ»:

«Արա, ինչպէս կամենում ես», պատասխանեց փայտահատը, «բայց ի՞նչ հանգստութիւն կունենաս դու այն ծառի վերայ»:

Էմին հասկացրեց նրան՝ որ իւր սիրտը

չի կտրվում իւր կաղնուց. նա զգում է մի տեսակ սէր և ձգտումն դէպի նա:

Յերը ժպտաց և փոքր ինչ զարմացաւ, բայց և այնպէս պատրաստ էր հաւատալ նորան: Նա ճանապարհ ձգեց նրան մինչև իւր ծառը և կամեցաւ տեսնել՝ թէ այդ ի՞նչպիսի ծառէ, որի մէջ նա բնակվում է: Շատ դժուար էր նրան բարձրանալ այդ բարձր ծառի վերայ և տեսնել այդ տեղից փչակը: Նա դեռ ևս բաւականին դիւրաշարժ և քաջ էր, բայց երկու ճիւղի միջի անցքը նրա համար շատ նեղ էր: Միայն Էմին կարողանում էր ազատ ման գալ ամեն կողմ:

«Այո՛, այստեղ լաւ և յարմար է», ասաց բարի մարդը՝ ցած գալով ծառից, «միայն երկար ժամանակ դու չես կարող քնել այդտեղ, որովհետեւ կեղեւը կը հաստանայ, ծակը կը փակուի և քո մարմինդ էլ միշտ այդպէս բարակ չի մնայ. բայց եթէ դու ուզում ես միշտ այստեղ լինել՝ ես այդ կարող եմ յարմարացնել քեզ համար»:

„Չէ՛, չէ՛, չեմ ուզում. իմ կաղնին կըտ-  
 րե՞լ և նրան մեռցնե՞լ“, աղաղակեց Էմմին:  
 „Նա դրանով չի մեռնիլ, ընդհակառա-  
 կը եթէ նա ունէ զլաստուած տեղեր՝ կ'ուղ-  
 դուի:  
 „Առ այժմ մնա՛ք բարով, այդ յետոյ՛:  
 Նորա բարեկերով՝ բաժանուեցան սիսե-  
 անցից: Ի՛նչքան ուրախացաւ Էմմին, երբ  
 մտաւ իւր կաղնու փշակի մէջ: Նրան այն-  
 պէս երևաց, որ մի տարի է համարեա՛ ինչ  
 որ հեռացել է այդտեղից: Նա մտաբերեց  
 այն սարսափելի գիշերը, որը անց էր կացրել  
 Կատիշի մօտ և այս խորը մտածմունքները  
 երկար զբաղեցրին նրան: Նա մտածում էր  
 անդադար Ուրսին Լէբուի աղքատների վե-  
 րայ, որոնք իրանց հարուստ էին համարում,  
 որովհետև իրանց փողերը թաղցնում էին մա-  
 հիճներում. ապրում էին շատ անմաքուր կեր-  
 պով, այն ինչ ինքը մի տարուց աւելի կը լի-  
 նէր, որ միայնակ քնում էր կանանչ պալա-  
 տում, մանուշակների և ուրիշ ծաղիկների ա-  
 նուշահոտութեան մէջ. լսում էր սոխակների

և թռչունների երգերը, ամենայն ցաւ հեռու  
 էր նորանից—մէկ խօսքով թագաւորի կեանք  
 էր անցկացնում: /  
 „Ուրսին Լէբուի բնակիչները“, ասում  
 էր նա ինքն իրան, „ունին բաւականին փող, որով  
 կարելի է շինել յարմարաւոր տներ իրանց  
 բնակութեան համար. կարող էին այգիներ  
 շինել և մաքուր ու առողջ օդի մէջ կենդա-  
 նիներ պահել: Բայց նրանք ծոյլ են և այդ  
 ծուլութեան պատճառով շատ բանից զրկվում  
 են: Նրանք ծաղրում են այն մարդկանց, ո-  
 րոնք խղճում են իրանց: Նրանք կողոպտում  
 են աղքատներին և չարչարում են առանց  
 խեղճ գալու: Նրանք զրկում էին իւրեանց  
 անձը ամենայն բանից, որպէս զի մի քանի  
 կոպէկ կարողանան յետ ձգել և այնպէս աղ-  
 քատութեան մէջ մաշվում են: Ի՛նչ անմիտ  
 գործ, ուրեմն հայր Վինցենտը ճշմարիտ է  
 ասում՝ թէ աշխատանքը պահպանում և մաք-  
 րում է կեանքի զուարճութիւնը“:  
 Լուսանալուց մի ժամ առաջ Էմմին զարթ-  
 նեց և նայեց իւր չորս կողմը: Լուսինը դեռ

ևս մայր չէր մտել, թռչունները լռում էին, և որսի գնացած բուն գեռ ևս չէր վերադարձել: Խաղաղութիւնը գեղեցիկ բան է. դա շատ քիչ անգամ է պատահում անտառումը, որովհետև շարունակ կամ մէկը ծառի վրայ է բարձրանում, կամ թէ մի որևիցէ բան վայր է ընկնում: Այս լռութիւնը բնական զուարճացրեց Էմմին, երբ մտաբերեց տօնավաճառի խլացնող աղաղակները, խրճիթի թխթխկոցի և թմբուկի ձայնը, թէ ինչպէս վիճում էին միմանց հետ առնող նողները և ծախողները, սայլերի ճռոցը, վախլուկ կենդանիների աղաղակը, հարբած մարդկերանց անչնորհ երգերը — մի խօսքով նա մշտնապէս անցնում էր: Ի՞նչ զանազանութիւն անտառում պատահած ձայների մէջ:

Դեռ ծեղը նոր էր բացվում, երբ բարձրացաւ մի թեթև քամի և սկսեց ծորել ծառերի գագաթները: Կարծես թէ կաղնին խօսում էր. «Շանգիստ եղիք, Էմմի, հանգիստ

և բաւական, ի՛մ փոքրիկ Էմմի»:

«Քոլոր ծառերն էլ խօսում են» ասաց նրան Կատիչը. «ես սկզբում չէի հաւատում. դա ճշմարիտ է. դրանցից ամեն մէկն ունի իւր ձայնը, իւր սովորութիւնը, իւր տխուր կամ ուրախ բոլբոլները: Բայց նրանք չը գիտեն թէ ինչ են խօսում», մտածում էր պառաւր: «Նա սուտ է խօսում, ծառերը կամ դանդատվում կամ ուրախանում են, թէ ինչ էին ասում ծառերը՝ նա չը գիտէր և չէր կարող հասկանալ, որովհետև իւր ուշք ու միտքը միայն վատ բաների վրայ է»:

Նշանակված ժամանակին Էմմին վերադարձաւ պ. Վինցենտի մօտ և աշխատում էր: Այսպէս անցկացրեց նա իւր օրերը մի ամբողջ ամառ և ձմեռ:

Ամեն շաբաթ երեկոյ գնում էր իւր կաղնու վերայ քնելու: Ախրակէ օրերը նա գնում էր Սերնաս փոքր ժամանակով և կրկին յետ էր դառնում իւր տուն մինչև երկուշաբթի օրը: Նա թէև մեծացաւ, բայց մարմնով շատ նիհար մնաց. իրան շատ մաքուր

էր պահում: Նրա կերպարանքը կենդանի էր ու գրաւիչ և այդ պատճառով էլ ամենքին սիրելի էր: Հայր Վինցենտը սովորեցրեց նրան կարգալ ու հաշուել: Նրան գովում էին իւր ընդունակութեան համար և որովհետև նրա հօրաքոյրը շունէր որդի՝ ուղում էր իւր մօտ պահել: Նա ընդունակ էր ամեն բանում և կարող էր միշտ օգտաւէտ խորհուրդներ տալ: Բայց Էմմին սիրում էր անտառը և մինչև այն աստիճան սիրահարուած էր, որ սկսեց լսել և տեսնել այնպիսի բաներ, որ ոչոք չէր նկատել: Նա սիրում էր ձմեռուայ երկար գիշերները անցկացնել եղևնեայ անտառում: Չիւնով ծածկված մուք կանանչ տերևները կարծես մի գեղեցիկ և սպիտակ սրբուոց լինէին, որոնք շարժվելով թեթև քամուց, կարծես ծածուկ խօսում էին միմեանց հետ: Ըստ մեծի մասին Էմմին երևում էին որպէս թէ տերևները քնած են և այս պատճառով նա նայում էր նրանց վրայ յարգանքով և երկիւղով: Նա վախենում էր մինչև անգամ բերանը բաց անել մի խօսք ասել կամ շար-

ժըվել, որովհետև գիշերվայ այդ գեղեցիկ խաղաղութիւնը կարող էր վրդովել: Մութ գիշերները՝ լուսին չեղած ժամանակ, երբ աստղերը փայլում էին երկնքի վերայ, ինչպէս անդամանդներ, նա իւր աչքի առաջ կարծես տեսնում էր իրա անտառի պատկերը: Երբ եղանակը տաքացաւ, տերևները փոխեցին իւրեանց կերպարանքը, տեսնում էր թէ ինչպէս կամաց—կամաց ճիւղերից թափվում էին տերևները և թեքուելով ճիւնի վերայ, կարծես պատրաստվում էին թռչել մի ուրիշ տեղ:

Երբ ազբիւրը սառուցով ծածկուեց, նա կոտրեց նրա աչքը շուք խմելու համար, բայց մեծ զգուշութեամբ, որպէս զի չը քանդէ այն բիւրեղեայ շինութիւնը, որ արգելում էր ջրի ընթացքը: Նա սիրում էր նայել ճանապարհի երկայնութեամբ տարածվող ճիւղերի վերայ, որոնք ծածկուած էին եղեամով և արեգակի ծագելու ժամանակ կարծես կայծեր էին արձակում:

Պատահում էին այնպիսի դիշերներ, որ

տերևներից զրկուած անտառի ծառերը լուսաւորվում էին լուսնից որպէս սաղափ կամ երբեմն ծիրանագոյն ներկուած երկնքի ամպերի նման: Իսկ ամառ ժամանակ՝ հազարաւոր թռչունների գայլայլիկները կենդանացնում էին ձմեռուայ թմրած անտառը: Նա պատերազմում էր ամեն ժամանակ կրծող կենդանիների հետ: Շինեց իրա համար աղեղ ուտէգ և շատ յաջողութեամբ որսում էր մկներ և թունաւոր օձեր: Նա երբէք ձեռք չէր տալիս մողեսներին, որոնք վազվզում էին անդադար մամուռի վերայ, որովհետև իրեն վրնաս չէին տալիս և նմանապէս գեղեցիկ անէտներին, որոնք կերակրվում էին ծառերի արմատներով:

Նա սիրում էր իւր կաղնու մէջ ապրողներին և այնպէս պահպանում ու խնամում էր, որ ամենքն էլ ճանաչում և չէին փախչում իրանից: Նա մտածում էր՝ որ ստիպալը իւր գեղեցիկ երգով շնորհակալութիւն է անում իրան իւր ծագերի փրկութեան համար: Մըջիւններին քչեց իւր սնից,

իսկ կտցաձարին (ծառակտուտ) թողեց որ մտնի իւր տունը, որովհետև այս թռչունը դուրս է տալիս ծառի միջի փասակար որդուքներին: Ճիւղերի վրայից թափէր տալի թրթուրները և բզէզները առանց խնայելու: Ամենայն կիւրակի օր նա զբաղուած էր իւր սիրելի կաղնին մաքրելով և եթէ նկատում էր մի որևիցէ պակասութիւն, իսկոյն հողում էր: Եւ իրաւ որ, ոչ մի ժամանակ այնպէս առողջ և զուարթ չէր եղել կաղնին, ինչպէս հիմայ և երբէք չէր ծածկված այնպիսի սիրուն կանաչով, ինչպէս այժմս:

Իմին ժողովեց փոքրիկ խողակաղնի տունկերը և սնկեց մօտակայ տեղերում. նայում էր նրանց վերայ և չէր թողնում, որ բաղեղները փչացնեն նրանց: Նա շատ էր սիրում նապաստակներ և այլ ևս նրանց չէր որսում կերակուրի համար: Բարձրանում էր իւր ծառի վրայ և մտիկ էր անում, թէ ինչպէս հոքա թռչկոտում էին, թէք ընկնում մի կողքի, յետոյ միւսի վրայ, դադրած շների նման և երբ մի չոք տերև չէր վայր ընկ-



նում՝ վեր էին թռչում, կանգնում և կարծես թէ մտածում էին:

Շոգ օրերին, ման գալու ժամանակ, երբ նա դադրում էր, իսկոյն բարձրանում էր պատահած ծառի վերայ և քնում: Բայց ո՛չ մի տեղ նա այնպէս հանգիստ չէր քնում, ինչպէս իւր կաղնու մէջ:

Եկաւ վերջապէս ժամանակը, երբ Էմմին պէտք է հեռանար իւր սիրելի անտառից, որովհետև այլ ևս չը պէտք է փայտ կըտրէին անտառից: Նա գնաց հայր Վինցենտի հետևից մի ուրիշ տեղ, հինգ մղոն հեռաւորութեամբ Ուրսին Լէբվաից, որպէս զի մի ուրիշ պարապմունք գտնի: Այդ տեղերն Էմմին միայն տօնավաճառին էր տեսել: Հենց այդ ժամանակից էլ նա թողել էր պառաւ Կատիշին և չը գիտէր թէ որտեղ է, մեռել էր արդեօք, թէ բանդումն էր, այդ ոչոք չը գիտէր: Շատ աղքատներ այս ձևով կորչում էին և մարդ չը գիտէր թէ ո՛ր: Ո՛չ որ դրանց չէր պտրտում և ոչ որ չէր էլ աստտում:

Էմմին շատ բարի էր: Նա չը մոռացաւ միայնակութեան ժամանակ իւր անբաղդ ապուշին, որ ամեն շաբաթ տեսնում էր իրան կաղնու մօտ հաց բերելիս: Նա յայտնեց իւր ցանկութիւնը Վինցենտին որ ուզում է տեսնել Կատիշին: Երկուան էլ գնացին Ուրսին Լէբու:

Տօն օրերից մէկն էր. մարդիկ գինի էին խմում և երգում: Երկու կին գզգզված մազերով դռների մօտ կուվում էին, իսկ երեխաները խաղում էին հոտած ցեխի մէջ, բայց հենց սրանց տեսան թէ չէ՝ երկուան էլ փախան: Երեխաների փախչելուց գիւղացիները իմացան՝ որ անծանօթ մարդ է եկել գիւղը:

Աղաղակը հանդարտեց, դռները փակվեցան և տանու թռչունները ահից թաքկացան թիփերի մէջ: Հայր Վինցենտը ասաց. «Դու ճանաչում ես պառաւ Կատիշի տունը, գնանք ուղղակի այնտեղ»: Մի քանի անգամ դուռը ծեծեցին, բայց ոչոք չը պատասխանեց: Վերջապէս լսուեց մի թոյլ ձայն. «Ներս մտէ՛ք»: Դուռը բացարին: Գունա-

Թափ և նիւար Աստիշը նստած էր աթոռի վրայ՝ կրակի առաջ, ծնկները երկու ձեռքերի մէջն առած, յանկարծ թուլացած ցած թողեց իւր ձեռքերը, բայց երբ ճանաչեց Էմմիին՝ կարծես թէ նորա երեսի վրայ մի ուրախութեան ժպիտ փայլեց:

«Վերջապէս եկար», իմ սիրելի Էմմի, ասաց պառաւը, «հիմայ ես հանգիստ կը մեռնեմ»: Նա պատմեց՝ թէ անդամալոյծ է դարձել և թէ ամեն առաւօտ հարեանները գալիս են և վերկացնում անկողնից, կերակրում են նշանակված ժամերին և երեկոները պառկեցնում: «Ես ոչ մի բանի վրայ չեմ մտածում», ասաց նա, «իմ հոգսը փողերս է, որ այս քարի տակն եմ պահել, ուր դրած են ոտներս: Այս փողերը ես կտակում եմ Էմմիին. նա բարի սերտ ունի, նա ազատեց ինձ, երբ ես ուզում էի ծախել նորան շամբազներին: Իմ մահուանից յետոյ իմ հարեանները կը քանդեն բոլոր անկիւնները և կը գտնեն իմ գանձը. այս միտքը չէ թողնում ինձ ո՛չ քնել և ո՛չ էլ մտածել ինձ

վրայ, ինչպէս հարկն է: Վե՛ր առ այս փողերը և տա՛ր մի ուրիշ տեղ պահի՛ր: Եթէ ես կը մեռնեմ, բոլորն էլ քեզ լինի, ես վաղուց եմ խոստացել իմ հարստութիւնը քեզ: Բայց եթէ բան է առողջանամ, պէտք է վերադարձնես: Դու հաւատարիմ ես, ես լաւ գիտեմ: Միւսնոյն է այդ փողերն էլի քեզ պէտք է մնան, միայն ես շատ ուրախանում եմ, երբ սկսում եմ համրել և այդ պէտք է անեմ մինչև իմ վերջին շունչը: Էմմին սկզբում յանձն չառաւ: Սոքա բոլորն էլ գողացած փողեր էին և այդ շատ հակառակ էր իրեն, բայց հայր Վինցենտը առաջարկեց պառաւին, որ իրեն տայ պահելու և պահանջած ժամանակին իսկոյն կարող է ստանալ կամ Էմմիի անունով մի որևէցէ տեղ պահել: Նա այդ նրա համար էր անում, որ մի գուցէ պառաւին յանկարծ մահ պատահի և այդ փողերը ի զուր կորչեն:

Հայր Վինցենտը այդ կողմերում յայտնի էր ինչպէս մի արդարասէր, ճշմարտասէր և բարեխիղճ մարդ: Աստիշը որ ամեն տեղ

մտել ու դուրս էր եկել, իւր կեանքի մէջ  
 ամեն չար ու բարի տեսած, նորա խօսքին  
 հաւատաց և ընդունեց: Պառաւր խնդրեց  
 Վինցենտին ասելով. «Կողպի՛ր այս պատու-  
 հի փեղկերը, դէն դի՛ր սեղանը և բարձրաց-  
 ըու այս վառարանի քարը, որովհետև ես  
 տկար եմ, ոյժ չունիմ»: Փողերը աւելի շա-  
 տացել էին՝ քան թէ առաջ նա ցոյց էր տը-  
 վել Էմմին: Հինգ կաշուէ քսակ էր՝ մօտ  
 հազար ոսկու: Նա միայն երեք հարիւր ֆը-  
 րանկ էր ուզում վերցնել այդ փողերից հա-  
 ղեաններին տալու, որ իրան մտիկ էին ա-  
 րել Հիւանդութեան ժամանակ և նոյնպէս իւր  
 թաղման համար, որովհետև Էմմին ինայո-  
 դական աչքով էր նայում այս հարստութեան  
 վերայ: Կատիշն ասաց. «Վերջը կը հասկա-  
 նաս, որ աղքատութիւնը մի սարսափելի բան  
 է և եթէ ես աղքատութեան մէջ մեծացած  
 չըլինէի, այսպէս չէի վարվիլ, ինչպէս հիմայ»:  
 «Եթէ դուք զղջում էք», ասաց Հայր Վին-  
 ցենտը, «Աստուած կը ներէ ձեզ»:  
 «Այո՛», ասաց նա, «ես զղջացել եմ այն

օրից սկսած, երբ անդամալոյժ դարձայ, ո-  
 թովհետև տանջվում եմ ցաւի և մենակու-  
 թեան մէջ: Հարեաններս ինձ դուր չեն գա-  
 վիս, ինչպէս և ես նրանց: Ես մտածում եմ  
 այս ըոպէիս, որ աւելի լաւ կանէի, եթէ մի  
 ուրիշ կերպ ապրէի»:

Էմմին ասաց պառաւին. «Ես չեմ մո-  
 ռանայ ոչ մի ժամանակ քեզ, միշտ կը դամ  
 տեսնելու» ու դնաց Վինցենտի հետեւից նոր  
 գործ գտնելու: Նա շատ ու շատ ափսոսում  
 էր իւր Սերնաս անտառի վրայ, բայց չէր  
 մոռանում իսկի, թէ ինքն ի՛նչ պարտակա-  
 նութիւն ունի դէպի նա և կատարում էր:

Մի շաբաթից յետոյ եկաւ Կատիշին  
 տեսնելու:

Երբ մօտեցաւ խրճիթին, տեսաւ մի իշի  
 սայլ կանգնած է դուրսը, իսկ տանից դուրս  
 բերին մի դագաղ և դրին այդ սայլի մէջ ու  
 տարան: Էմմին դնացննջեցեալի հետեւից մին-  
 ջև ծխական եկեղեցին և թաղման ներկայ ե-  
 դաւ: Վերադարձին տեսաւ որ պառաւիտա-  
 նից հարեանները դուրս են բերել նորա շո-

րերը և կռվում են բաժանելու վրայ: Սրանից յետոյ, երբ տեսաւ որ պառաւի փողերն էլ եթէ մնային, այսպէս միմեանց ձեռից պէտք է խլել էին, այլ ևս չը ցաւեց, որ զրկելէ նրանց այդ փողերից և ինքն է վերցրել:

Երբ վերադարձաւ, հայր Վինցենտն ասաց նրան: „Դու դեռ շատ փոքր ես, չես կարող այս փողերը պահել. չես կարող նրանից օգուտ քաղել, և ո՛վ գիտէ, շատ կարելի է, գողացնել էլ տաս. եթէ դու ինձ վերակացու կը նշանակես այս փողերի վրայ, կը շահեցնեմ մինչև քո մեծանայր“:

„Ես ձեզ անպայման հաւատում եմ, ինչպէս կամենում էք, այնպէս էլ արե՛ք, բայց որովհետև այդ փողերը գողունովի են, թէև պառաւը պարծենում էր, որ իւր աշխատածն է, աւելի լաւ չէ՞ր լինի, որ իւրեանց տէրերին յետ դարձնվէր“:

„Ո՞ւրը յետ տալ, ո՞ւրը: Սյդ փողերը նա կոպէկ կոպէկ է գողացել, նա այդ փողերը ողորմութիւնով էր հաւաքել և այս ու

այն քարի տակ պահել, ո՛վ գիտէ ումն է: Ի՛նչ, ո՞ւմ տալ, ոչ ոք ոչինչ չի պահանջում: Փողերն այստեղ մեղաւոր չեն, բայց ամօթը նրանն է, ո՛վ վատ է գործ դնում նրանց: Կատիչը անյայտ ծագումից էր, չունէր ո՛չ ընտանիք և ո՛չ մի ժառանգ: Նա քեզ տուել է այդ փողերը ո՛չ թէ մի վատ բանի շնորհակալութեան համար, այլ ընդհակառակն նրա համար, որ դու ազատեցիր մեծ վտանգից, երբ նա քեզ ուզում էր ծախել ջամբազներին: Ես կարծում եմ, որ այս հարստութիւնը քոնն է և պառաւը դորանով մի շատ լաւ բան արեց իւր կեանքի մէջ: Ես չեմ ծածկում քեզանից, այս փողերը մեծ շահ կը բերեն, այնպէս որ դու առանց աշխատելու կարող ես ապրել: Բայց եթէ դու լաւ մարդ լինես, ինչպէս ես քեզ ճանաչում եմ, էլի կ'աշխատես այնպէս, ինչպէս առաջ, որպէս թէ ոչինչ չունես“:

„Ես այնպէս կանեմ, ինչպէս որ դուք էք կամենում, „ասաց Էմիլին, „ես կը լսեմ ձեր բոլոր խօսքերին“:

Էմին վերջը չը զղջաց, որ այդպիսի հա-  
 ւատարմութիւն ունեցաւ նրա վրայ: Հայր Վին-  
 ցենտը վարվում էր նրա հետ որդու պէս,  
 իսկ Էմին հօր տեղ էր ընդունում նրան:  
 Երբ Էմին մեծացաւ՝ փայտահատի թոռնե-  
 րեց մէկի վրայ ամուսնացաւ: Նա ձեռք չէր  
 տալիս իւր փողերին և այս պատճառով տարէ  
 ցտարի աւելանում էր, այնպէս որ մի քանի  
 տարուց յետոյ, նա եղաւ ամենահարուստը այդ  
 երկրում: Նրա ամուսինը մի գեղեցիկ, ճար-  
 պիկ և բարեսիրտ կին էր: Այդ երկրի մար-  
 դիկը ամենքն էլ սիրում և պատվում էին  
 նրանց և որովհետև Էմին իւր հարստու-  
 թիւնով և խելօքութիւնով լաւ անուն էր հա-  
 նել, դորա համար Սերնաս անտառի տէրը  
 նրան գլխաւոր անտառապահ նշանակեց և  
 շինեց նրա համար մի գեղեցիկ և փառաւոր  
 տուն հենց իրա խօսող կաղնու մօտերում:


Հայր Վինցենտի ասած խօսքերը կա-  
 տարվեցան—Էմին այնքան մեծացաւ, որ այլ  
 ևս չը կարողացաւ տեղաւորվել իւր հին տան  
 (ծառի փշակի) մէջ, իսկ կաղնին ծածկվեց

նոր կեղևով. նա հաստացաւ և ծակը հա-  
 մարեա՛ թէ բռնուեց:

Էմին երբ ծերացաւ, տեսաւ, որ ծառի  
 ծակը բռնվում է, վեր առաւ մի պղնձի տախ-  
 տակ, գրեց նրա վրայ իւր գլխի անցածը ու  
 ձգեց փշակի մէջ, իսկ վերջը այս խնդիրը  
 աւելացրեց. «Նրկնքի կրակ (կայծակ) և սարերի  
 քամիներ, խնայեցէ՛ք իմ կաղնուն, թո՛ղ եր-  
 կար տարիներ ապրէ և տեսնէ իմ թոռնե-  
 րին և թոռան թոռներին: Ի՛մ ազնիւ կաղնի,  
 դու որ ինձ միշտ բարի խորհուրդներ էիր տա-  
 լիս, իմ որդւոց և թոռներիս էլ նոյնպէս  
 արա՛, որպէս զի նոքա էլ քեզ պատվեն և  
 սիրեն ինձ նման»: Այս տախտակը նա ձգեց  
 փշակի մէջ, որտեղ ինքը շատ տարիներ քը-  
 նել ու մտածել էր:

Ծառի ծակը բոլորովին բռնուեց: Էմ-  
 մին այլ ևս կենդանի չէ, իսկ ծառը դեռ ևս  
 կայ: Նա այլ ևս չի խօսում, բայց եթէ խօ-  
 սում էլ է, չը կան այլ ևս ականջներ, որ լսեն  
 նրա խրատին: Նա այլ ևս ոչորի չի վախեց-  
 նում, բայց Էմինի պատմութիւնն ամենքը

**գիտեն: Նա այնպիսի մի անուն թողեց, որ  
այս ծառը մինչև այսօր էլ ամենքը սիրում  
ու պատվում են:**



ՀՀ Ազգային գրադարան



NL0585637

